



**Sunniutissanik Iluaqutissanillu
Isumaqatigiissut (IBA) (suleqatigiinnissamik
isumaqatigiissut**

una pillugu

Killavaat Alannguanni Tanbreezip aatsitassarsiorfia

uku akornanni isumaqatigiissutaasoq

**Tanbreez Mining Greenland A/S,
Kommune Kujalleq kiisalu Naalakkersuisut**

una naapertorlugu

Piaanissamut akuersissut nr. 2020/54

2020

IMAASA NALUNAARSORSIMAFFIAT

1.	IBA-p aqqissugaanera kiisalu siunertaasoq	4
2.	Suliap nassuiarneqarnera	4
3.	Tunuliaqutaq	6
4.	Siunertaq tunngaviillu najoqqutarineqartut	6
5.	Akuersissummik pigisaqartup, kommunip kiisalu Naalackersuisut pisussaaffii nalinginnaasut.....	7
6.	Akuersissummik pigisaqartup imaluunniit suliffeqarfiit akuersissummik pigisaqartut qassiiuppata suliffeqarfiit akuersissummik pigisaqartut pisussaaffii pisinnaatitaaffiilu	7
7.	Nalunaarusiorneq naliliisarnerlu	8
8.	IBA-p matuma tassungalu ilanngussat allanngortinneqarnerat	8
9.	Kalaallit Nunaanni suliareqqiineq	9
10.	Pisiniartarneq suliariumannittussarsiortarnerlu	9
11.	Sulisut Kalaallit Nunaanneersut	9
12.	Kalaallit Nunaanni suliffeqarfiit	12
13.	Ilinniartitaaneq allallu	13
14.	Inuttut kulturikkullu atukkat.....	14
15.	Peqqissuseq.....	15
16.	Aningaasaliissutit	16
17.	Nalunaarusiortarneq.....	16
18.	Allagaatinik takunnissinnaatitaaneq.....	16
19.	Paasissutissat, atortussat nalunaarusiallu isertuunneqartussaataanerat	17
20.	IBA-mi matumani pineqanngitsut	17
21.	Inatsisit malitassat.....	17
22.	Atorunnaarsitsineq	17
23.	Taarsiisussaataitaaneq, sillimmasiineq, kiisalu akisussaajunnaarsitaaneq.....	18
24.	Inatsisinut, malittarisassanut, akuersissutitut isumaqatigiissutinullu allanut matuma attuumassuteqarnera	19
25.	IBA-mut matumunnga kommunip aningaasartuutaanik utertitsineq	20
26.	Inatsisit atuuttut kiisalu inatsisinut allanut attuumassuteqarnera	20
27.	Eqqartuussivitsigut aalajangiisinnaatitaasut	20
28.	Oqaatsit.....	20
29.	Atsiorneri	21
Ilanngussaq 1	Sulisut Kalaallit Nunaanneersut (anguniagaq)	23
Ilanngussaq 2	Suliffeqarfiit Kalaallit Nunaanneersut kiisalu suliariumannittussarsiortarnermi suleriaatsit (anguniakkat)	26
Ilanngussaq 3	Ilinniartitaaneq allallu (anguniakkat).....	31
Ilanngussaq 4	Najukkami suliniutit najukkamilu tapiissutit.....	34
Ilanngussaq 5	Nalunaarusiortarneq nalilersuisarnerlu.....	36
Ilanngussaq 6	Taaguutinik aalajangiinerit, suut qanoq paasineqassasut kiisalu ilanngussat	38

**Sunniutissanik Iluaqutissanillu Isumaqatigiissut (IBA) manna ukunannga isumaqatigiissutigi-
neqarpoq:**

Tanbreez Mining Greenland A/S
CVR-nummer 12579918
Musaq 5 -201
Postboks 1815
3905 Nuussuaq

tulliuttuni "akuersissummik pigisaqartumik" taaneqartartussa

aamma

Kommune Kujalleq
Postboks 514
3920 Qaqortoq

tulliuttuni "kommunimik" taaneqartartussa

kiisalu

Naalakkersuisut
Namminersorlutik Oqartussat
Imaneq 4
Postboks 1015
3900 Nuuk

tulliuttuni "Naalakkersuisunik" taaneqartartussat

1. IBA-p aaqqissugaanera kiisalu siunertaasoq

- 1.1 IBA-p matuma ilaani matumani IBA-kkut siunertaasoq saqqummiunneqarpoq kiisalu ilusaa nassuiarneqarluni, ilaatigut ilanngussani suut tunuliaqutaanersut nassuiarneqarluni.
- 1.2 Tanbreezip aatsitassarsiorfia napasinnaangorlugu ineriartortitsinermi akuersissummik pigisaqartup, Kommune Kujalliup kiisalu Kalaallit Nunaanni oqartussat suleqatigiinnissaannut IBA aqutissiuis-saaq. Kommune Kujalliup, inuiaqatigiit kalaallit kiisalu akuersissummik pigisaqartup pitsaanerpaamik iluaqutissiorneqarnissaat siunertaralugu periaasissat suleriasissallu IBA-kkut aalajangersarneqas-sapput. IBA-mi matumani siunertaasoq tassaavoq Tanbreezip aatsitassarsiorfiata inuiaqatigiinnut ka-laallinut tamarmiusunut kiisalu Kommune Kujallermut pitsaasumik sunniuteqarnissaa qularnaassal-lugu.
- 1.3 Aamma IBA-kkut matumuuna siunertaasoq tassaavoq akuersissummik pigisaqartup suliffeqarfinnik sulisussanik, kiisalu sanaartornermi piginnaasanik inuiaqatigiinni kalaallini pigineqartunik, atuinissaq pillugu piumasaqaatinik, piaanissamik piumasaqaatimiitunik, naammassinninnissaanut ikiorniarlugu suleriaasisat aalajangersassallugit. Aamma IBA-ikkut matumuuna siunertarineqarpoq Kalaallit Nuna-anni kikkut attuumassuteqarsinnaasut nukittorsassallugit peqataatinneqarnissaallu qularnaassallugu, tamatumuunakkut suliniutit Kalaallit Nunaanni tapersorsorluarneqarnissaa qularnaassallugu.
- 1.4 IBA manna marluinngorlugu avitaavoq: IBA pillugu allakkiat pingaernerit kiisalu ilanngussat taak-kununga atasut. IBA pillugu allakkiat pingaernerit suleqatigiinnermik toqqammaviliisuupput. IBA-p ilaa manna ilaatigut suleqatigiit suleqatigiinnerata kiisalu suleqatigiiffissat aaqqissuunneqarnissaan-nut tunngasuuvoq.
- 1.5 Ilangussat najukkami sulisussat, suliffeqarfiit kiisalu suut attuumassuteqartut, soorlu ilinniartitaaner-mut, ilinniartitsinermut piginnaangorsaanermullu tunngasut ilanngunneqarneranni anguniakkanik aalajangersimasunik imaqarput. IBA manna, minnerunngitsumillu ilanngussat, inuiaqatigiinnut sunni-utissanik naliliinermik kiisalu Iluaqutissanik Sunniutissanillu Pilersaarummik tunngaveqarput. Taamaammat ilanngussat Iluaqutissat Sunniutissallu pillugit ilersaarusiassatut eqqarsaatigi-neqartumik timitaliinertut isigineqarsinnaapput kiisalu inuiaqatigiinnut sunniutissanik nalunaarusi-orneq naliliinerlu pillugit atugassarititaasunik aalajangersaavittut isigisariaqarlutik. Ukiumut angusat nalunaarusiorneqarnerat nalilersorneqarnerallu tunngavigalugu ilanngussat ukiut tamaasa nutarter-neqartassapput. Ilangussat suleqatigiit ukiumi aggersumi angusassatut siunniussaannut tunngas-uteqarput. Angusassatut siunniussatigut anguniarneqarpoq Tanbreezep aatsitassarsiorfiata akuer-sissummik pigisaqartumut Kalaallit Nunaata inuinit ungasinnerusoq isigalugu imminut nammassin-naanissaa. Suleqatigiit isumaqatigiissuteqarneratigut aatsitassarsiorfik pillugu nalunaarusiorneq na-lilersuinerlu aallaavigalugu ukiumiit ukiumut ilanngusat nutarterneqartassapput. Ilangussat pissutsit malillugit allangorartussiatut isigineqarput, kisitsisinik anguniakkanillu piviusorsiorturnik isu-maqatigiissutigineqartunik imaqarlutik. Ilangussat ukiut tamaasa nutarterneqartarnerisigut suliniutip ineriartornerani anguniakkat anguneqarsimasut naleqqussarneqarsinnaanissaat qularnaarneqas-saaq.

2. Suliap nassuiarneqarnera

- 2.1 Tanbreezip aatsitassarsiorfia Kujataani Kommune Kujallermi Qaqortup Narsallu akornanniippoq. Sumiiffik taaneqartarpoq Killavaat Alannguat Kangerluarsuullu qinnguataunganiilluni.
- 2.2 Suliariniakkamut ilaapput aatsitassarsiorfik ammasoq, suliareqqiivik, umiarsualivik, qulimiguulinnut mittarfik, aatsitassarsiorfimmi najugaqarfik sullissiviillu tassunga atasut, akuiarnerlukunik eqqaavik (Foster SØ), sullulik, kiisalu aatsitassarsiorfiup iluani aqquserngit 10 km-iusut.
- 2.3 Ukiuni 2-3-ini sanaartornerup ingerlanissaa naatsorsuutigineqarpoq, tunisassiornerlu minnerpaamik ukiuni 10-ini ingerlasussatut naatsorsuutigineqarluni.
- 2.4 Sanaartornerup immikkoortuani siullermi sulisut 30-40 atorfeqartinneqassapput. Immikkoortumi tassani akuersissummik pigisaqartup sanaartussavai quersuaq, umiarsualivimmi toqqorsivik, najugaqarfik, qaartiterutissaasivik kiisalu saliiviugallartoq.
- 2.5 Sanaartornerup immikkoortuani tullermi inuit 130-140 sulisorineqassapput. Immikkoortumi tassani akuersissummik pigisaqartup ilaatigut sanaartussavai aatsitassarsiorfiup immikkoortuisa marluusut akornani assartuinermi aqqusineq, aserorterivik, immikkoortiterivik, akuiarnerlukunut sullulik kiisalu umiarsualivik inaarsarneqassalluni.
- 2.6 Akuersissumi piffissaq taaneqartoq malillugu aatsitassarsiornerup ingerlalanissaa naatsorsuutigineqarpoq. Pilersaarutigineqarpoq immikkoortumi tassani inuit katillugit 80-it sulisussarsiarineqassasut, taakkunanga 22-it qalluinerмик suliaqassapput, inuit 32-it suliareqqiivimmik ingerlatsissallutik, taavalu inuit 26-it allaffissornermik, aserfallatsaaliinerмик najugaqarfimmi suliaqassallutik. Taakku pissarsiarineqarsinnaassusiat apeqqutaalluni nunaqavissut 72-it tikillugit sulisorineqarnissaat naatsorsuutigineqarpoq.
- 2.7 Akuiagassamik ukiumut 500.000 tonsimik piaanissaaq qinnutigineqarpoq, taanna agguataarsimavoq ukiumut 100.000 tonss eudialyt akuiagaq kiisalu akuiarnerlukut igitassat ukiumut 400.000 tons. Immikkoortiterinerמי pingasunut immikkoortitsisoqartassaaq: qernertoq assut saviup kajungerisaaanik akulik (arfvedsonit), aappalaartoq akuiagaq (eudialyt) kiisalu qaqortoq saviup kajungerisartaqanngitsoq akuiagaq (feldspat). Qernertoq saviup kajungerisalik akuiagaq (mafic) (arfvedsonit) silikatiuvoq, akuiarnerlukutut ilioqqarneqartussaaq. Naalakkersuisut akuersissummut ilassuteqarneratigut tamatumunnga piomasaaqatit allanngortinneqarpata arfvedsonit kingusinnerusukkut akuersissuteqarfiup ingerlareernerani tunisassiassanngorlugu suliareqqinneqarsinnaavoq akuiarnerlukunngornagu. Feldspat aamma silikatiuvoq akuiarnerlukunngussallunilu. Naalakkersuisut akuersissummut ilassuteqarneratigut tamatumunnga piomasaaqatit allanngortinneqarpata feldspat kingusinnerusukkut akuersissuteqarfiup ingerlareernerani tunisassiassanngorlugu suliareqqinneqarsinnaavoq akuiarnerlukunngornagu. Feldspat igalaaminilornerמי, marriornerמי kiisalu sanaartornerמי atortussiarineqarsinnaavoq.
- 2.8 Akuiagaq ukiumut 20-t missiliorlugit amerlassusileriarluni aallarunneqartassaaq.

3. Tunuliaqutaq

- 3.1 Akuersissummik pigisaqartoq inuiaqatigiinnut sunniutissanik nalilersuisimavoq taannalu Naalakkersuisunut nassiussimallugu. Nalunaarusiaq 13. august 2020 Naalakkersuisunit akuersissutigineqarpoq.
- 3.2 Inuiaqatigiinnut sunniutissanik naliliinermut ilitersuutit kiisalu inuiaqatigiinnut sunniutissanik nalunaarusiaq naapertorlugu IBA-mik suliaqartoqartussaaavoq suleqatigiinnit atsiorneqartussamik. IBA akuersissuteqarfimmi tamarmi aalajangersakkanik nalinginnaasunik imaqassaq kiisalu piffissap akuersissuteqarfiusup ingerlanerani piffissani naleqquttuutinneqartuni ukiumut ataatsimut arlalinnulluunniit tunngasunik pisussaaffinnik, anguniakkanik pilersaarutinillu imaqassalluni.
- 3.3 Suliffeqarfinnik sulisunillu Kalaallit nunaanneersunik atuineq IBA-mik isumaqatigiissuteqarnikkut naammassinnikkullu annerpaatinniarneqassaaq.
- 3.4 Aatsitassanut inatsimmi § 18, imm. 2 naapertorlugu akuersissut § 16 malillugu tunniunneqarsimasoq atorlugu aalajangersarneqassaaq akuersissummik pigisaqartoq (taassumalu sanaartortitai, pisisarfii sullissisuilu) sanaartortitsinerni, niuernerni sullissinernilu suliffeqarfinnik Kalaallit Nunaanneersunik qanoq atuitigisassasoq. Taamaattorli suliffeqarfiit Kalaallit Nunaanneersut teknikkikkut niuernikkulluunniit unammillersinnaanngippata suliffeqarfiit allat atorneqarsinnaapput.
- 3.5 Akuersissummik pigisaqartoq taassumalu sanaartortitai, pisiniarfigisartagai sullissisuilu akuersissut naapertorlugu suliaqarnerminni Kalaallit Nunaanneersunik sulisoqartassapput. Aatsitassanut inatsimmi § 18, imm. 1 naapertorlugu § 16 malillugu akuersissutikkut aalajangersarneqassaaq akuersissummik pigisaqartoq sulisunik Kalaallit Nunaanneersunik qanoq atuitigisassanersoq. Taamaattorli sulisussat piginnaanillit Kalaallit Nunaanni pigineqanngippata pissarsiassaanngippataluunniit akuersissummik pigisaqartoq Kalaallit Nunaata avataaneersunik sulisussarsisinnaavoq.
- 3.6 Sulisunik Kalaallit Nunaanneersunik ilinniartitsineq ilinniartitseqqinnerluunniit pillugu aalajangersakkanik attuumassuteqartunik IBA imaqassaaq kiisalu suliffeqarfiit Kalaallit Nunaanneersut piginnaasaannik ilisimasaannillu aaqjissuineq ineriartortitseqqinnerlu pillugit aalajangersakkanik imaqassalluni.

4. Siunertaq tunngaviillu najoqqutarineqartut

- 4.1 IBA-kkut matumuuna siunertat siullermik pingaarnermillu tassaapput (i) aatsitassarsiorfimmik akilersinnaasumik ingerlatsissalluni, taannalu (ii) akuersissut naapertorlugu suliaqarnermini suliffeqarfinnik sulisunillu Kalaallit Nunaanneersunik atuineramik pilersitsissaaq, (iii) sulisunik Kalaallit Nunaanneersunik ilinniartitsinermik sungiusaanermillu qularnaarillunilu siuarsaassalluni kiisalu (iv) suliffeqarfiit Kalaallit Nunaanneersut piginaasaannik ilisimasaannillu alliarortitsillunilu ineriartortitsissalluni.
- 4.2 IBA-mi matumani siunertaasoq aamma tassaavoq aatsitassanut inatsisikkut siunertaasut naapertorlugu akuersissut malillugu suliassaasut suliarineqarnissaat siuarsaassallugu peqataaffigissallugulu.

IBA-p matuma naammassineqarnissaanut toqqammavissatut najoqqutassat

- 4.3 Suleqatigiit tunngavinnik tulliuttunik aallaaveqassapput:

(1) Suleqatigiinneq.

- (2) Naapertuilluarneq.
- (3) Suleqataasut ataasiakkaat tamarmik pisinnaatitaaffiinik, kulturiinik, akisussaaffiinik soqutigisaannillu ataqqinninneq (soorlu akuersissut naapertorlugu suliat akilersinnaasumik ingerlanissaannik akuersissummik pigisaqartup soqutiginninera).
- (4) Piujuuaannartitsineq nammaneqarsinnaasumillu ineriartortitsineq pillugu anguniakkat taper-sersussallugit aammalu taakku anguniarnerinik malinnaaviginninneq.
- (5) Aqutseriaaseq nutarteriffiusoq eqaatsuusorlu atulersissallugu, tassuuna akuersissummik pigisaqartup akuersissut naapertorlugu sulinerani sunniutit pitsaanngitsut sapinngisamik ikinerpaanissaat pitsaasullu sapinngisamik amerlanerpaanissaat anguniarlugu nalunaaruteqartarnissaq sakkussallu anguneqassallutik.

5. Akuersissummik pigisaqartup, kommunip kiisalu Naalackersuisut pisussaaffii nalinginnaasut

- 5.1 Akuersissummik pigisaqartoq, kommune kiisalu Naalackersuisut Kalaallit Nunaanni, Danmarkimi kiisalu nunani tamalaani inatsisinik malinnissapput kiisalu Kalaallit Nunaanni isumaqatigiissutit qaqugukkulluunniit atuuttut malissallugit.
- 5.2 Akuersissummik pigisaqartoq, kommune kiisalu Naalackersuisut IBA manna malillugu pisinnaatitaaffimminnik atuinerminni naammaginatsumik iliortassaput kiisalu Kalaallit Nunaanni malittarisassat inatsisitigullu tunngaviit nalinginnaasut naapertorlugit iliortassallutik, soorlu isumaqatigiissuteqartarnermi ingerlatsinermilu inatsisitigut malitassat malissallugit, soorlu illuinnaasiunnginnissamut, pisup annertussusia naapertorlugu iliortarnissamut naligiimmillu pinninnissamut tunngasut eqqarsaatigalugit.
- 5.3 IBA-mut matumunnga atatillugu naliliisarnerni, aalajangiisarnerni suliassanillu ingerlatsinerni allani kommune kiisalu Naalackersuisut naammaginatsumik iliuuseqartassapput kiisalu Kalaallit Nunaanni pisortat suliassaannik ingerlatsineq pillugu inatsisini malittarisassat tunngaviillu nalinginnaasut malitassallugit. Tamanna naliliinernut aalajangernernullu tamanut atuuppoq, soorlu eqqoriaalluni naliliinerni kiisalu akuersissutinik tunniussinissamik aalajangerni, atugassarititaasunik, piumasaqaatinik piffissaliussanillu aalajangersaanermi kiisalu piffissaliussanik sivitsuisarnerni.
- 5.4 IBA manna naapertorlugu akuersissummik pigisaqartup pisussaaffii suliaalu eqqortumik naammassineqassapput kiisalu isumannaallisaaneq, peqqissuseq, avatangiisit, atorluarneq inuiaqatigiillu nammassinnaasaat eqqarsaatigalugit naleqquttumik isumannaatsumillu naammassineqassallutik. IBA manna naapertorlugu akuersissummik pigisaqartup pisussaaffii suliaalu assingusunik atugaqarluni suliani taama ittuni nunami namminermi nunanilu tamalaani suleriaatsit naapertorlugit naammassineqassapput.

6. Akuersissummik pigisaqartup imaluunniit suliffeqarfiit akuersissummik pigisaqartut qasiiuppata suliffeqarfiit akuersissummik pigisaqartut pisussaaffii pisinnaatitaaffiilu

- 6.1 Suliffeqarfiit akuersissummik pigisaqartut arlaqarpata IBA-mi matumani pisussaaffiit naammassineqarnissaannut suliffeqarfiit akuersissummik pigisaqartut tamarmik nammaqatigiissapput, soorlu

ajocusiinernut taarsiinerit kiisalu IBA manna naapertorlugu sulianik imaluunniit imaluunniit pisussaaf-
finnik naammassinninngitsoorneq pissutigalugu annaasat taarsiivigineqarnissaannut tunngasut
eqqarsaatigalugit.

6.2 Suliffeqarfiiit akuersissummik pigisaqartut arlaqarpata akuersissummik pigisaqartumut imaluunniit
suliffeqarfimmuut akuersissummik pigisaqartumut atugassarititaasut IBA-mi matumani taaneqartut
suliffeqarfinnut akuersissummik pigisaqartunut tamanut atuutissapput, tassa allamik allassima-
soqanngippat imaluunniit pisut aallaavigalugit allamik allassimasoqanngippat. Atugassarititaasut
tamakku tamarmik suliffeqarfinnut akuersissummik piginnittunut tamanut atuupput, soorlu suliffeqar-
fik akuersissummik pigisaqartuusimagaluarpata kiisalu suliffeqartut kisimiilluni akuersissummik
pigisaqartuusimagaluarpata taamaassasoq, tassa allamik allassimasoqanngippat imaluunniit pisut
aallaavigalugit allamik allassimasoqanngippat, imaluunniit tassani anguniakkat imarisallu naapertor-
lugit piumasaqaatit naammassineqarnissaannut pisariaqarsimappat.

6.3 Tassalu akuersissut kiisalu IBA manna naapertorlugu suliat pisussaaffiillu naammassineqassapput:

- (1) IBA manna, aatsitassanut inatsit, aatsitassanut inatsit naapertorlugu malittarisassiat aalajan-
gersakkallu, akuersissut, akuersissutit attuumassuteqartut kiisalu inatsisit, malittarisassat aa-
lajangersakkallu naapertorlugit.
- (2) Nunat tamalaat akornanni suleriaatsit pitsaasut akuerisat naapertorlugit.
- (3) Aatsitassat naleqquttumik iluaqutigineqarnissaat siunertaralugu, tak. Aatsitassanut inatsimmi
§ 1, imm. 1.
- (4) Isumannaallisaaneq, peqqissuseq, avatangiisit pisuussutinik atorluaaneq kiisalu inuiaqatigiinni
nammanneqarsinnaassusia eqqarsaatigalugit isumannaatsumik, tak. Aatsitassanut inatsimmi
§ 1, imm. 2 kiisalu § 83.
- (5) Naleqquttumik kiisalu nunat tamalaat akornanni suleriaatsit pitsaasut kiisalu taama atugaqar-
luni piumasaqaatit naapertorlugit, tak. Aatsitassanut inatsimmi § 1, imm. 2 kiisalu § 83 naaper-
torlugit.
- (6) IBA-mi matumani anguniakka tunngavittullu najoqqutassat naapertorlugit.

7. **Nalunaarusiorneq naliliisarnerlu**

7.1 Akuersissummik pigisaqartup IBA-p naammassineqarnera malinnaavigissavaa nalunaarutigisassal-
lugulu. Nalunaarusiortarneq naliliisarnerlu pillugit IBA-mi matumani ilanngussani (ilanngussaq 5) pi-
umasaqaatit naapertorlugit akuersissummik pigisaqartoq ukiumoortumik nalunaarusiortassaaq nalili-
inerlu pillugu nalunaarusiortassalluni.

8. **IBA-p matuma tassungalu ilanngussat allanngortinneqarnerat**

8.1 Suleqatigiit tamarmiusut isumaqatigiissuteqarneratigut IBA-mi matumani allakkiaq pingaarneq allan-
ngortinneqarsinnaavoq.

8.2 IBA manna, aamma ilanngussat, allanngortinneqartassapput aatsitassarsiornerup allannguutaasa aatsitassarsiorfimmiit inuiaqatigiinnut sunniutaasunik annertumik allanngortitsinissaat ilimagineqalerpat, soorlu sulisunik suliffeqarfinillu Kalaallit Nunaanneersunik atuinerup annertussusianut, aatsitassat Kalaallit Nunaanni suliareqqinneqarnerisa annertussusiannut, imaluunniit aatsitassanut inatsimmi piumasaqaatinut, akuersissutinut imaluunniit Kalaallit Nunaanni inatsisitigut malittarisassanut, akuersissummi atugassarititaasunut aalajangersakkalluunniit qaqugukkulluunniit atuuttunut tungasut naammassiumallugit allannguneq pisariaqarpat.

8.3 Suleqatigiit isumaqatigiinnerisigut ilanngussat allanngortinneqarsinnaapput.

8.4 Ilanngussat ukiut tamaasa misissuataarneqartassapput, tak. IBA-mut matumunnga ilanngussaq 5. Ukiumoortumik misissuataarinnerminni suleqatigiit isumaqatigiippata ilanngussanik allannguneq pisariaqanngitsoq, taava anguniakkanik, ilanngussat atuuttut tamakkiisumik atuutiinnassapput nutaanik sanasoqarnissaanik suleqatigiit pingasuusut tamarmik isumaqatigiinnissaasa tungaanut. Suleqatigiit ukiumoortumik misissuinermut atatillugu isumaqatigiippata ilanngussanik allannguinissaq pisariaqartoq, soorlu anguniakkanik, ilanngussat, aamma anguanikkat, allanngortinneqassapput tamanna naapertorlugu, taavalu ilanngussat allanngortitat nutaanik sanasoqarnissaanik suleqatigiit isumaqatigiinnissaasa tungaanut tamakkiisumik atuutissapput.

9. Kalaallit Nunaanni suliareqqiineq

9.1 Aatsitassanut inatsimmi § 18, imm. 3 kiisalu "Aatsitassarsiornermi inuiaqatigiinnut sunniutissanik nalunaarusiortarnermut iltersuutit (april 2016)" naapertorlugit suliareqqiineq nalinginnaasumik Kalaallit Nunaanni pisartussaavoq. Kisiannili aatsitassanut inatsimmi § 18, imm. 3 naapertorlugu suliareqqiineq Kalaallit Nunaata avataani pisinnaavoq Kalaallit Nunaanni suliareqqiineq aningaasartuutini ajoqutinilluunniit annertuunik nassataqassappat. Taamaammat Aatsitassanut inatsimmi § 18, imm. 3 naapertorlugu Kalaallit Nunaata avataani suliareqqiineq pissappat immikkut akuersissuteqarneq pisariaqarpoq, taavalu Aatsitassanut inatsimmi § 18, imm. 3 naapertorlugu Naalackersuisut immikkut akuersissuteqarsinnaapput.

9.2 Akuersissutip malitsigippagu, imaluunniit akuersissut naapertorlugu Naalackersuisut aalajangiinerata malitsigisaanik akuersissummik pigisaqartup eudialyt akuiagaq Kalaallit Nunaanni akuutissat atorlugit arrotitsivimmi tunisassianut allanut suliareqqissappagu, IBA manna, kiisalu ilanngussat, allanngortinneqassapput eudialytip akuiakkap Kalaallit Nunaanni akuutissat atorlugit arrotitsivinni suliarinneqarnissaanik pissutsinillu atuumassuteqartunik allanik imaqtussanngorlugit.

10. Pisiniartarneq suliariumannittussarsiornerlu

10.1 Pisiniartarnermi suliariumannittussarsiornermilu suleriaasissat IBA-mut matumunnga ilanngussami 2-imi takuneqarsinnaapput.

11. Sulisut Kalaallit Nunaanneersut

11.1 Kalaallit Nunaanni sulisussanik atuinermi anguniakkat IBA-mut matumunnga ilanngussami 1-imi takuneqarsinnaapput.

- 11.2 Kalaallit Nunaanni sulisussat piginnaasallit pissarsiarineqarsinnaassusiat akuersissullu naapertorlugu sulisut pisariaqartinneqassusiat apeqqutaatillugu akuersissummi tamatumunna atugassarititaa sut naapertorlugit sapinngisaq tamakkerlugu sulisunik nunatsinneersunik atuinissaq siuarsarniarlugu suleqatigiit ataatsimoorlutik iliuseqassapput.
- 11.3 IBA-mi matumani anguniakkat akuersissummik pigisaqartup sularissavai naammassillugillu, kiisalu sulisussat Kalaallit Nunaanneersut pissarsiarineqarsinnaassusiat apeqqutaatillugu sanaartortitani, pisiniarfigisartakkani, sullissisorisartakkanlu sulisussanik Kalaallit Nunaanneersunik atorfinitsitsinisaannik atuinissaannillu piumasaqarfigissallugit.
- 11.4 Sulisunik Kalaallit Nunaanneersunik atuinermi pisussaaffiit anguniakkallu IBA-mut matumunnga ilanngussami 1-imi nassuiarneqartut misissuataarneqassapput tamannalu naapertorlugu naleqqusarneqassallutik uuttuutit naleqquttut naapertorlugit, soorlu:
- (1) Sulisussat Kalaallit Nunaanneersut piginnaasallit pissarsiarineqarsinnaassusiat.
 - (2) Kalaallit Nunaanni suliffissaaleqineq.
 - (3) Akuersissut naapertorlugu suliap immikkoortua manna tulliuuttorlu.
 - (4) Pissutsit allat attuumassuteqartut.
- 11.5 Akuersissummik pigisaqartup atorfiit inuttaqanngitsut minnerpaamik Kalaallit Nunaanni Danmarkimilu tusagassiisarfitsigut suliffissarsiuussisarfitsigullu, soorlu suligl-ikkut inuttassarsiuussavai.
- 11.6 Kiisalu atorfiit inuttaqanngitsut akuersissummik pigisaqartup kommunillu attuumassuteqartut akornanni ataqatigiissaarneqassapput.
- 11.7 Akuersissummik pigisaqartup akuersissut naapertorlugu atorfinni tamani piumasaqaatit aalajangersassavai, soorlu ilinniarsimanissamik oqaatsitigullu piginnaasassatigut piumasaqaatit, tamatumunakkut pingaartumik akuersissut naapertorlugu sulisunik Kalaallit Nunaanneersunik atorfinitsitsiniermi aporfii pisariaqanngitsut pinngitsoorumallugit peerumallugillu.
- 11.8 Suleqatigiit suleqatigiinnermikkut sulisut Kalaallit Nunaanneersut piginnaasallit sulilluartullu ineriartortissavaat kiisalu akuersissut naapertorlugu niuernikkut ingerlatani tamani sulisut Kalaallit Nunaanneersut sulisorineqarnissaat, akulerutsinneqarnissaat, qaffariartortinneqarnissaat sulisutullu tigummiinarneqarnissaat siuarsassallugu. Ingerlatat suliniutillu suleqatigiinnit aalajangersarneqartut sularineqassapput sulisut Kalaallit Nunaanneersut akuersissut naapertorlugu sulinissamat piginnaaneqartut amerlisarneqarnissaat siunertarlugu.
- 11.9 Kommune Naalackersuisullu ilinniarnernik suliniutinillu naleqquttunik tulliuuttunik siuarsaassapput, tapersersuillutik ineriartortitsillutillu, tassungalu ilanngullugu akuersissummik pigisaqartumik, ilinniarnernik inuussutissarsiutitigullu ilinniarnernik allarluinnarnilluunniit suleqateqarlutik aatsitassarsiornermi suliffissaqartitsinerup tapersersorneqarnissaanut ingerlatat eqqarsaatigallugit.
- 11.10 Akuersissummik pigisaqartoq kommunimik Naalackersuisunillu suleqateqarluni ingerlatanik taama itunik siursaaniarnerni, tapersersuiniarnerni ineriartortitsiniarnerni, pingaartumik aatsitassarsiornermi suliffissaqartitsinermik siursaaniarnerni kiisalu akuersissut naapertorlugu sulinerminni imaaliussaaq:

- (1) Akuersissut naapertorlugu atorfeqarnissamut aatsitassarsiornermilu atorfeqarnissamut periarfissat pillugu paasissutissiinernik neqerooruteqassaaq.
- (2) Inuussutissarsiutinut teknikkimullu ilinniarfinnik aatsitassarsiornermut tunngasunik pilersitsineq ingerlatsinerlu pillugit sullissivinnut inuussutissarsiornermut tunngasunik suliaqartunik suleqateqassaaq, soorlu Aatsitassarsiornermut Ilinniarfimmik, tassa tamatumuunakkut teknikkikut tapersersuinerit, immikkut piginnaasat siunnersuinerillu atorlugit.
- (3) Aatsitassalerinermit Ilinniarfimmi ilinniartunut kiisalu Kalaallit Nunaanni inuussutissarsiutinut ilinniarfinni allani ilinniartunut sungiusarfissanik neqerooruteqassaaq.
- (4) Aatsitassarsiornermi ilinniakkanik pikkorissarnernillu allanik naleqquttunik pilersitsinissaq pillugu Aatsitassalerinermit Ilinniarfimmik kiisalu ARTEK-imik kiisalu ilinniarfinnik attuumasuteqartunik allanik suleqateqassaaq.
- (5) Kalaallit ilinniartut ilinniakkanik aatsitassarsiornermut tunngasuni sulilernissamut aqquataasus-sanik qinersinissaanut kajumissaataasussanik iliuseqassapput. Suleriaatsit tamakku aasaanerani atorfeqartitsinernik suliamilluunniit misiliinermik imaqarsinnaapput.
- (6) Sulisut Kalaallit Nunaanneersut avataaneersullu akulerunnissaat siunertaralugu atorfeqarneq sioqqullugu ingerlatsineq pillugu kommunik Naalakkersuisunillu suleqateqassaaq.

- 11.11 Akuersissummik pigisaqartoq suliffiup iluani ilinniarnernut iliuitsinullu nanmineq aallartitaminut imaluunniit nammineq sinnerluni allanut aallartitsitaminut akisussaavoq.
- 11.12 Akuersissummik pigisaqartoq sulisunik Kalaallit Nunaanneersunik akuersissut naapertorlugit atorfeqartitaasunik akulerutsitsineq, qaffaallatsitsiarneq suliinnartitsiniarnerlu siunertaralugu suliffimmi iliuitsinik, soorlu ilinniartitsinernik naleqquttunik, nalunaarsuissaaq.
- 11.13 Akuersissut naapertorlugu sulinerni attaveqatiginneq oqilisarumallugu pisariaqarfiatigut akuersissummik pigisaqartoq oqaatsinut ilinniartitsinissamik neqerooruteqassaaq.
- 11.14 Sulisunut Kalaallit Nunaanneersunik akuersissut naapertorlugu qaffatsitaanissamut periarfissanik tamatumunngalu piumasaaqatinik nalunaarsuiffiusunik paasissutissanik akuersissummik pigisaqartoq Kalaallit Nunaanni oqartussanut tunniussaqaassaaq.
- 11.15 Sulisunut Kalaallit Nunaanneersunut akuersissut naapertorlugu atorfeqartitaasunut ataasiakkaanut tamanut atorfimmi qaffakkiartornissamut pilersaarummik akuersissummik pigisaqartoq suliaqassaaq. Qaffakkiartornissamut pilersaarut sulisup Kalaallit Nunaanneersup ilinniagassai naleqquttut qaffakkiartornissamullu periarfissai pillugit aalajangersakkanik imaqassaaq.
- 11.16 Sulisut Kalaallit Nunaanneersut sulisoriinarnissaat siunertaralugu akuersissummik pigisaqartoq sulisussarsiornermi periusissuissaaq.
- 11.17 Akuersissut naapertorlugu suliat eqqarsaatigalugit sulisut Kalaallit Nunaanneersut aqutsisutut (soorlu minnerpaamik formanditut kiisalu aqutsisuaqqatut) sulinissamut ilinniartinneqarnissaat akuersissummik pigisaqartup anguniassavaa.

Arnat peqataanerannik siuarsaaneq

11.18 Suleqatigiit akuersissut naapertorlugu suliani ingerlanneqartuni sutigut tamatigut arnat naligititaallutik peqataanissaannut tapersersuissapput kajumissaaralutillu.

11.19 Akuersissummik pigisaqartoq iliuuseqassaaq makkuninnga qularnaarisumik:

- (1) Aatsitassarsiormermit suliffissanik arnat ilisimasaqarnerulissasut.
- (2) Aatsitassarsiormermit atorfiit aalajangersimasut eqqarsaatigalugit arnat piginnaaneriniq ilisimasaannillu neriartortsiniarluni ilinniakkanik neqeroorutit.
- (3) Suliani akuersissut naapertorlugu suliarineqartuni suliffinnut tunngatillugu arnat maligassat
- (4) Akuersissut naapertorlugu atorfinnut arnat qinnuteqarnissamut kajumissuseqalersinniarlugit suliniutit
- (5) Kalaallit arnat ilinniartut, pingaartumik ilinniartinnit qaffasinnerusuni universititilunniit aatsitassarsiormermit tunngasunik ilinniagaqartut, ilinniartinnit aningaasannannissaannut periarfissat naligiissasut, tak. Imm. 13.9.

12. Kalaallit Nunaanni suliffeqarfiit

12.1 Suliffeqarfiit Kalaallit Nunaanneersut atorneqarneranni anguniagassat IBA-mut matumunnga ilanngussami 2-imi takuneqarsinnaapput.

12.2 Akuersissummik pigisaqartoq akuersissut naapertorlugu niuernikkut periarfissanik Kalaallit Nunaanni suliffeqarfinnut neqerooruteqassaaq. Kiisalu akuersissummik pigisaqartoq akuersissut iluani Kalaallit Nunaanni suliffeqarfiit ineriartornissamut periarfissaannik siuarsaassaaq tapersersuissallunilu kiisalu akuersissut naapertorlugu suliat killiffiini tamani Kalaallit Nunaanni suliffeqarfiit unammillersinnaasut unammillersinnaassuseqarnissaat qularnaassallugu.

12.3 Akuersissummik pigisamik makkuninnga imminut pisussaaffilerpoq:

- (1) Isumaqatigiissusiortarnermini tunngavimminik suleriaatsiminillu kommunimut Naalakkersuisunullu paasissutissiisassalluni.
- (2) Siunissami isumaqatigiissutit, pisiniarnerit sullinneqarnerillu pillugit allassimaffiit (pisiniarnissamik eqqoriaanerit), kommuninut Naalakkersuisunullu nassiunneqartut naleqquttuunerat, eqqortuunerat kiisalu akuersissutit atuuffiani tamarmi tamakkiisuunerat uppersartassallugu.
- (3) Akuersissut naapertorlugu isumaqatigiissutit, pisiniarnerit sullinneqarnerillu pillugit pi-umasaqaatit piffissaq eqqorlugu kommunimut Naalakkersuisunullu ilisimatitsissutigisassallugit.
- (4) Isumaqatigiissutit aappagukkat tunniunneqartussat ukiumoortumik nassiuttarnerisigut Isumaqatigiissutit, pisiniarnerit sullinneqarnerillu imaluunniit niuernikkut periarfissat attuumasuteqartut naatsorsuutigineqartut aalajangersimasullunniit pillugit kommune Naalakkersuisunullu ilisimatittassallugit (ukiumoortumik piniarnissanik eqqoriaanerit, tak. Ilanngussaq 2). Allassimaffik taanna aamma nalunaarummut naliliinermullu ilanngussarineqarsinnaavoq.

(5) Kalaallit Nunaanni suliffeqarfinnit unammillersinnaasut, kiisalu akuersissummik pigisaqartup isumaqatigiissusiortarnermini tunngavii aallaavigalugit IBA-mik matuminnga eqqortitsisut, niuernikkut isumassarsiaannik neqeroorutaannillu noqqaaffigisassallugit.

12.4 Ilisimasanik tunniussinissaq kiisalu najukkami suliffeqarfiit piginnaasaat siuarsarniarlugit akuersissummik pigisaqartoq suliffeqarfiit nunanit allaneersut Kalaallit Nunaanneersullu suleqatigiilernissaannik aningaasaleeqatigiillutillu ingerlatseqatigiilernissaannik kajumissaarissaaq.

13. Ilinniartitaaneq allallu

13.1 Ilinniarnermi, piginnaangorsaanermi ilisimasanillu nuussinermi allanilu anguniakkat IBA-mut matumunnga ilanngussami 3-imi takuneqarsinnaapput.

13.2 Akuersissummik pigisaqartup sanaartorneq tunisassiornerlu sioqqulluarlugit sulisunik Kalaallit Nunaanneersunik atorfinitsitsinissaq sioqqulugu sanaartortitanik, pisiniarfinnik sullissisussanillu sulissarsiusaaq.

13.3 Suliat sioqqulluarlugit piginnaangorsaanermi periusissiaq suliarineqassaaq atortinneqassallunilu.

13.4 Sulisunik Kalaallit Nunaanneersunik atorfinitsinneqarsinnaasunik, usisaatini aquttunik, suliareqqiivimmi aserortersunik atortunillu oqimaatsunik ingerlatsisunik allanik atorfinitsitsinissaq sioqqullugu sanaartornerup siornagut piffissaalluarallartillugu akuersissummik pigisaqartoq sulissarsiu-lerlunilu ilinniartitsilluni aallartissaaq.

13.5 Suliat sioqqullugit piffissaalluarallartillugu Kommune Kujallermit Kalaallillu Nunaata sinnerani sulissusinnaasut ilinniarnikkut pisariaqartitaannik akuersissummik pigisaqartoq naliliissaaq kiisalu sulissusinnaasut ilinniagaat piginnaasaallu nalunaarsussallugit.

13.6 Akuersissummik pigisaqartoq aatsitassarsiorfimmi sulisunut tamanut ilinniagaqarnissamik sungiusar-nissamillu neqerooruteqassaaq.

13.7 Akuersissummik pigisaqartoq kiisalu sanaartortitat, pisiniartarfiit sullissisullu Kalaallit Nunaanni ilinni- arfinnik aammalu najukkami nunamilu tamarmi oqartussanik peqateqarlutik sulisut Kalaallit Nuna- anneersut piginnaangorsarnissaannik ilinniagaqaaqqinnissaannillu pilersaarusiussapput naammassinnillutillu.

13.8 Akuersissummik pigisaqartup nammineq ingerlataanik, imaluunniit aatsitassarsiornermi najukkamilu siunnersortit ingerlataannik, avatangiisinik misissuisarnissani ikiuuttussanik akuersissummik pigisaqartoq najukkami ilinniartunik allanillu, ilaatigut INUILL-meersunik Campus Kujallermeersunillu peqataatitsissaaq ilinniartitsissallunilu. Suliffeqarfiup nammineq avatangiisinik misissuisarneri ilaatigut tassaasinnaapput imermik misissugassanik tigooraasarnerit, pujoralannik nipinillu uuttortaa- nerit, uumassusilinnit misissugassanik tigooraanerit assigisallu.

13.9 Akuersissummik pigisaqartoq kalaallinut ilinniartunut ilinniartunni qaffasinnerusuni universititilunniit aatsitassarsiornermut attuumassuteqartunik ilinniagaqartut ilinniarnermi aningaasarsiassaannik neqerooruteqarfigissavai, tak. Ilanngussaq 3. Ilinniarnermi aningaasarsiassanik tunniussisarneq piginnaasanik tunngaveqassaaq.

14. Inuttut kulturikkullu atukkat

14.1 Akuersissummik pigisaqartup inuiaqatigiit kalaallit kiisalu kalaallit kulturiat ataqqillugulu siuarsassavaa.

14.2 Akuersissummik pigisaqartoq sulisut Kalaallit Nunaanneersut kulturiminnik attassiinnarsinnaaqullugit atsitassarsiorfimmi iliuuseqalissaaq makkuninnga:

- (1) Kulturimik sammisaqarfimmik allannguutaaliivimmilu sanassaaq, tassani sulisut Kalaallit Nunaanneersut kalaaliminnik namminneq nerisassaminnik toqqortaqsinnaassapput nerisarsinnaassallutillu.
- (2) Piniartunit, nunalerisunit aalisartunillu neqinik aalisakkanillu pisisarnikkut nerisarfinni kalaaliminnik sassaallertarnermik ajornarunnaarsitsissaaq.
- (3) Sammisaqartitsivimmik pilersitsissaaq tassani sulisut katersuussinnaassapput sammisaqartutillu kulturikkut ataatsimoornikkullu neqeroorutaasumik Sammisaqarfik aatsitassarsiorfimmi inissinneqassaaq.
- (4) Peqqinnartumik inuunissamut kiisalu imigassamik ikiaroorunni atornerluinermik pinaveersaartitsinermik siuarsaaviummik ingerlatanik pilersitsissaaq neqerooruteqarlunilu.
- (5) Ajornannginnera naaperlugu nalinginnaasumik internetseqartitsissalluni oqarasuaatiknullu attaveqartitsissalluni nalinginnaasumik akilinnik.
- (6) Kulturikkut ilinniaqatigiiffimmik pilersitsissaaq, soorlu sulisunut Kalaallit Nunaanneersunut avataaneersunullu ukiumoortumik kulturisiorititsisarnikkut.
- (7) Akuersissut naapertorlugu sulianik inuiaqatigiit kalaallit malinnaasinnaangorlugit aatsitassarsiorfiup avataani iliuuseqassaaq, imaaliornikkut:
 - (a) Akuersissut naapertorlugu sulianik inuiaqatigiit kalaallit qaammarsarniarlugit nunap immikkoortuani najukkamilu raadiukkat apersuinernut aallakaatitassianullu peqataanikkut.
 - (b) Akuersissut naapertorlugu suliat pillugit Kalaallit Nunaanni tamarmi nutaarsiassanik suliaqarlunilu siammarterinikkut
 - (c) Nittartagaliussaaq kiisalu nittartakkatigut naapittarfiit atorlugit attaveqarlunilu paasissutissiassalluni. Paasissutissat minnerpaamik Kalaallit Nunaanni pissarsiarineqarsinnaassapput.
- (8) Kommune Naalakkersuisullu suleqatigalugit ilaqutariinnut kalaallinut akuersissut naapertorlugu atorfeqartitaasunut ilaqutaasut attaveqatigiiffissaannik pilersitsinissamut aqqissuissaaq

(9) Akuersissummik pigisaqartoq attaveqaammik toqqaassaaq.

14.3 Akuersissummik pigisaqartoq makkuninnga aallartitsinnaavoq:

- (1) Illu ammasoq kommunimi kiisalu illoqarfinni nunaqarfinnilu allani sulisut ilaqutaanut innuttaasunullu sammisitaq.
- (2) Sulisut ilaqutaannut attaveqatigiiffik.
- (3) Kommunimi timersornikkut aaqqissuussinerit.
- (4) Kulturikkut aaqqissuussinerit.
- (5) Sulisunut isumaginninnikkut ajornartorsiuteqartunut iluaqutaasunullu tapersiissutit.
- (6) Suliat aatsitassarsiorfimmu attuumassuteqartut pillugit sulisunut ilaqutaanullu paasissutissineq taakkuninngalu sulianut peqataatitsineq
- (7) Sulisunut soraarnerussutisiaqalernissamut periarfissaat pillugit siunnersuineq soraarnerussutisiaqalernissamullu pilersaarutaajunnartunik tapersersuineq.
- (8) Najukkami ajornartorsiutinik aaqqiiniarnissamut soqutigisaqatigiiffinnik pilersitsineq
- (9) Nunaqqatigiit qaammarsarneqarnissaat allatigullu akuutinneqarnissaat siunertaralugu atuarfinni allanilu siumut isigaluni qaammarsaabeq.
- (10) IBA manna naapertorlugit periarfissanik, tassa aningaasaateqarfinnik, atorfinnik, allanillu nunaqqatigiikkaataanut siumut isigaluni qaammarsaaneq.
- (11) Kalaallit oqaasiinik aatsitassarsiorfimmi sulinermi atugassatut pitsaanerpaamik siuarsaaneq
- (12) Naammagittaalliortarfimmik pilersitsineq

15. Peqqissuseq

- 15.1 Naalackersuisut ukiut sisamakkaarlugit misissuisarnerit aqqutigalugit inuit peqqissusiannik malinnaaviginnillutillu naliliisareerput, tassanilu inuit peqqissusiannik misissuinerminni (2013-2017) qitiutitaat tassaapput – tarnikkut peqqinneq atugarissaarnerlu, imigassaq, persutaaneq, nerisaqarneq, timimik atuneq, pujortarneq kiisalu nappaatipiluit.
- 15.2 Naalackersuisut Aningaasaqarnermut Siunnersuisoqatigiinnik pilersitsisimapput, taakku aningaasaqarnerup ingerlarnganik, aningaasatigut ingerlatsinerup patajaassusianik atugarissaarnerullu aningaasalersorneqarneranik malinnaaviginnittarput.
- 15.3 Peqqissutsimik misissuinerinik ingerlatsisussanik paasissutissanillu katersukkanik inernernillu misissueqqissaartussanik immikkut ilisimasanik Naalackersuisut suliaqartitsisarput.
- 15.4 Naalackersuisut malinnaaviginninnerat inuit peqqissusiannik misissuinerimi uuttuutinik naleqquttunik imaqassaaq kiisalu inuit peqqinnerulernissaannik suliniummi (Inuuneritta II) pilersaarutinut ataqatigiisinneqassalluni.

15.5 Peqqissutsimut tunngasut attuumassuteqartut pillugit akuersissummik pigisaqartup peqqissutsimut oqartussat paaseqatiginiassavai.

15.6 Akuersissummik pigisaqartoq peqqissutsimut sunniutit pillugit peqqissutsimut oqartussanut isu-maqatigiissuteqassaaq, soorlu aatsitassarsiormi suleriaatsit allallu pillugit.

16. Aningaasaliissutit

16.1 IBA-mi matumani aningaasanut tunngatillugu aningaasaliissutit atugassarititaasullu ilanngussaq 3 aamma 4-imi allassimapput.

17. Nalunaarusiortarneq

17.1 Akuersissummik pigisaqartoq akuttussusissat ilanngussaq 5-imi taaneqartut minnerpaamik malillugit aatsitassarsiormi ingerlanera pillugu Naalakkersuisunut nalunaarusiortassaaq.

17.2 Akuersissummik pigisaqartoq Naalakkersuisunit qinnuigineqarnini naapertorlugu kisitsisinik paasis-sutissanillu allanik IBA-mut matumunnga attuumassuteqartunik Naalakkersuisunut nassiussaqartas-saaq.

17.3 IBA manna naapertorlugu suliat pisussaaffiillu pillugit nalunaarusiarineqartarnerannut Naalakkersui-sut malittarisassiorsinnaapput, tassunga ilanngullugu paasisutissat suusserinik, nalunaarusiortar-nerup akulikissusianik allanillu nalunaarsiormi ilanngunneqartussanik. Akuersissummik pigisaqartoq Naalakkersuisunit qinnuigineqarluni IBA manna naapertorlugu suliat pisussaaffiillu pil-lugit paasisutissanik sukumiinerusunik nassiussaqarsinnaavoq.

17.4 IBA-ip matuma atsiorneqarneratigut kiisalu inuiaqatigiinnut aningaasatigut sunniutissat qularnaa-rumallugit akuersissummik pigisaqartoq akuersivoq IBA-mit matumunnga paasisutissat attuumas-uteqartut Kalaallit Nunaanni akileraartarnikkut oqartussaqarfimmut tunniunneqarsinnaassasut.

17.5 Paasisutissat, atortussat nalunaarusiallu akuersissummik pigisaqartumit pissarsiaasut suliaas-ulluunniit imaluunniit akuersissummik pigisaqartup atugassaasut allanit suliaasut, kiisalu IBA manna naapertorlugu sulianut pisussaaffinnuunniit attuumassuteqartut akuersissummik pigisaqartumit toqqortarineqassapput isertuussinissamik piffissaliussaasut suulluunniit atorunnaarnissaasa tungaa-nut. Piffissat pineqartut naaneranni paasisutissat allallu, taakkuluunniit assilineri, akeqanngitsumik Naalakkersuisunut nassiunneqassapput. Suliffeqarfiit akuersissummik pigisaqartut arlaliuppata sulif-feqarfiit akuersissummik pigisaqartut tamarmik immikkut paasisutissanik allanillu tamannik nammin-neq atugassaminnik toqqortarinnissinnaapput.

17.6 IBA manna naapertorlugu paasisutissanik pissarsiniarnermut, suliaqarnermut nassiussinermullu aningaasartuutit tamarmik akuersissummik pigisaqartumit akilernerqassapput.

18. Allagaatinik takunnissinnaatitaaneq

18.1 IBA manna naapertorlugu allagaatinik takunnissinnaatitaanermut tunngasut Pisortani ingerlatsineq pillugu Inatsisartut inatsisaat nr. 9, 13. juni 1994-imeersoq naapertorlugu aalajangiivigineqartassap-put.

19. Paasissutissat, atortussat nalunaarusiallu isertuunneqartussaataaernerat

19.1 Niuernermi pissutsit isertuunneqartussat (qaqugukkulluunniit nalornisoqaqunagu taakkununga ilaapput suliffeqarfiup avataaneersunut isumaqatigiissusiornermi aningaasartat missingerneqartut) kiisalu paasissutissat inummut tunngassuteqartut saniatigut, paasissutissat, nalunaarusiat atortussiallu akuersissummik pigisaqartup IBA manna naapertorlugu Kalaallit Nunaanni oqartussanut nassiussai kikkunnulluunniit ammasuupput. Nalunaarusialli tamanut ammasumik saqqummiunneqartinnagit inatsisitigut aalajangersakkat naapertorlugit akuersissummik pigisaqartumut saqqummiunneqaaqartassapput.

20. IBA-mi matumani pineqanngitsut

20.1 IBA manna inatsisitigut, aningaasatigut niuernikkulluunniit siunnersuinernik imaqanngilaq.

20.2 IBA manna akuersissummik pigisaqartup inatsisitigut, aningaasaqarnikkut assigisaatigulluunniit siunnersortitut sullissineranut imaluunniit sullissinerit taama ittut pillugit akuersissummik pigisaqartup isumaqatigiissuteqarnerinut tunngasunik imaqanngilaq, aamma sullissinerit taama ittut pillugit isumaqatiginninniarnert isumaqatigiissusiornerilluunniit pillugit naamik.

21. Inatsisit malitassat

21.1 Aatsitassanut inatsit kiisalu akuersissut naapertorlugu akuersissummik pigisaqartoq IBA-mik matuminnga isumaqatiginnissuteqassaaq naammassinnissallunilu.

21.2 Akuersissummik pigisaqartoq IBA manna naapertorlugu atugassarititaasunik pisussaaffinnillu naammassinniganilu malinninngippat Naalackersuisut ilaatigut akuersissummik pigisaqartup akuersissut naapertorlugu suliaasa ilaanik tamanilluunniit unitsitseqquisinnaapput imaluunniit aatsitassanut inatsimmi akuersissummiluunniit aalajangersakkat naapertorlugit akuersissummik atorunnaarsitsisinnaallutik.

22. Atorunnaarsitsineq

IBA-p matuma atorunnaarsinneqarnera kiisalu IBA-mik tulliuuttumik isumaqatigiissuteqarneq

22.1 IBA manna piffissami akuersissutip atuuffiani aamma atuutissaaq, aamma akuersissutip atuuffianut sivitsuutaajunnaartuni, piffissallu taassumma ingerlanerani atorunnaarsinneqarsinnaanani.

22.2 IBA-mik tulliuuttumik isumaqatigiinniuteqarnermi isumaqatigiissuteqarnermilu suleqataasut unneqqarillutik kiisalu torersumik sulissapput kiisalu IBA-mi matumani siunertat najoqqutassatullu tunngaviit malissallugit. IBA tulliuuttut suliarineqarsinnaasoq IBA-p matuma siunertaanik najoqqutasatullu tunngaviinik malinnissaaq.

22.3 IBA manna atorunnaarsimagaluarpaluunniit IBA manna naapertortorlugu akiligassat suli akileneqanngitsut taarsiniinissamilluunniit piumasaqaatit qulajaarneqarnissaanut akileneqarnissaannullu piffissaaq pisariaartoq naapertorlugu IBA atuukkallassaaq.

- 22.4 Akuersissut atuukkunnaarpat IBA naammaginatumik piffissaliilluni ilimasaarinikkut atorunnaarsinneqarsinnaavoq.
- 22.5 IBA-mi matumani aalajangersakkat allat apeqqutaatinnagit pisussaaffinnut, isertuussinissamut allanullu IBA-mi matumani aalajangersakkat atuutsiinnassapput aammalu IBA manna atuukkunnaaraluarpatalluunniit atuutsiinassallutik.
- 22.6 Sumik arlaannik unioqqutitsiviusussanik pilersoqalerpat suleqataasut arlaata IBA manna isumaqatigiinniutigeeqqinneqassasoq piumasarisinnaavaa. Suleqatigiit IBA-mik matuminnga isumaqatigiinniutiginneqinnerminni unneqqarillutik kiisalu torersumik sulissapput kiisalu IBA-mi matumani siunertat najoqqutassatullu tunngaviit malissallugit. IBA tulliuuttut suliarineqarsinnaasoq IBA-p matuma siunertaanik najoqqutassatullu tunngaviinik malinnissaaq. Suleqatigiit isumaqatigiilningitsoorpata IBA manna atorunnaarsinneqassanngilaq.

Ilanngussanik atorunnaarsitsineq

- 22.7 Ilanngussat IBA-p matuma piffissaq atuuffia assigalugu atuuffeqassapput piffissallu taassuma iluani atorunnaarsinneqarsinnaanatik.

IBA-p matuma atorunnaarsinneqarnerani pisussaaffiit

- 22.8 IBA-p matuma atorunnaarsinneqarneratigit akuersissummik pigisaqartup inatsisit, malittarisassat aalajangersakkalluunniit atuuttut naapertorlugit, imaluunniit akuersissut naapertorlugu, akuersissutit allat imaluunniit IBA manna naapertorlugu pisussaaffiit ingerlatseqqinneqarsinnaasut naapertorlugit pisussaaffii atorunnaassanngillat.
- 22.9 Akuersissummik pigisaartoq IBA-p matuma atorunnaarnerata kingorna paasissutissanik, atortussanik nalunaarusianillu tamanik akuersissummik pigisaqartumit pissarsiarineqartunik suliarineqartunilluunniit, imaluunniit akuersissummik pigisaqartumut atugassanngorlugit allanit suliaasunik, kiisalu IBA manna naapertorlugu sulianut pisussaaffinnulluunniit tunngasunik toqqortarinissalluni pisussaaffeqarpoq. Paasissutissat taama ittut minnerpaamik ukiumi ataatsimi toqqortarineqassapput. Paasissutissat taama ittut aserorterneqannginnerminni iginneqannginnerminniluunniit aningaasartuutitaqanngitsumik Naalakkersuisunut neqeroorutigineqassapput.
- 22.10 Paasissutissat tigusinissamut pisinnaatitaaffimmik Naalakkersuisut atuinissat kinguartinneqarsinnaavoq paasissutissat allamit isumannaatsumik toqqortarineqarnissaannik allanillu atorineqarsinnaanerat pillugu akuersissummik pigisaqartoq kiisalu Naalakkersuisut isumaqatigiissuteqarsimappata.

23. Taarsiisussaataaneq, sillimmasiineq, kiisalu akisussaajunnaarsitaaneq

- 23.1 IBA manna naapertorlugu sulianik pissuteqartumik pisussaaffinnilluunniit naammassinninngitsoornermik pissuteqartumik ajoqusernerut imaluunniit annaasanut akuersissummik pigisaartoq taarsiisuteqassaaq, tassa naammassinninngitsoorneq ajunaarnersuarnik akisussaaffigineqarsinnaanngitsunik pissuteqarsimangippat. Tamanna atuutissaaq ajoqusiineq annaasaqarnerluunniit piaaraluneernikkut pinngikkaluarpalluunniit aammalu ajoqusernerup annaasaqarnerulluunniit kimut tunngasuunera apeqqutaatinnagu. Taarsiisussaataaneq annikillineqarsinnaavoq atorunnaarsinneqarsinnaalluniluunniit ajoqusertoq piaaraluni mianersuaalliorujussuarluniluunniit ajoqusernermut annaasamulluunniit pisooqataasimappat.

- 23.2 Aatsitassanut inatsimmi kapitali 14 naapertorlugu avatangiisinut akisussaaneq IBA-mi matumani pineqanngilaq.
- 23.3 Akuersissummik pigisaqartoq pisussaaffimmik tunulliusisimappat, tamannalu ajunaarnersuarmik pissuteqanngippat, Naalakkersuisut taarsiissuteqarnissamik piumasaaqateqarpata akuersissummik pigisaqartoq Naalakkersuisunut kommunimullu tarsiissuteqassaaq. Naalakkersuisut taarsiissuteqartoqassanersoq taarsiissuteqartoqassappallu taarsiissutip annertussusianik aalajangiinerminni illuinnaasioratik, naammaginatumik, pisup annertussusia naapertorlugu kiisalu isertuanngitsumik aalajangiissapput. Taarsiissutit aningaasartaannik aalajangersaanerminni Naalakkersuisut isiginiassavaat pisussaaffiup naammassineqanngitsoortup naammassineqartinniarnerni aningaasartuutaasut, tassunga ilaassapput Naalakkersuisut sinnerlugit kikkut allat pisussaaffimmik naammassinninnerani aningaasartuutaasut. Naalakkersuisut taarsiissuteqaqqusineranniit kingusinnerpaamik ullut 30 ingerlaneranni taarsiissutissat taakku akilerneqassapput. Taarsiissutissaq akilerneqarpata akuersissummik pigisaqartoq pisussaaffimmut naammassinneqanngitsoorsimagaluartumut tunngatillugu allanik pisussaaffeqanngilaq.
- 23.4 Pisussaaffimmik naammassinninngitsoornerup ajunaarnersuarmik pissuteqannginnera naapertorlugu IBA-mi matumani suliaasut kingunerisaanik imaluunniit tassani pisussaaffinnik eqqortitsinngitsoornerup kingunerisaanik kikkunnit allanik Naalakkersuisunut kommunimuulluunniit taarsiissuteqarnissamut piumasaaqatigineqartut akuersissummik pigisaqartup Naalakkersuisunut kommunimulluunniit taarsiinissamut akisussaaffigitikkunnaassavai. Taamaattoqassappat taarsiissuteqaqqusinermut taama ittumut piffissaagallartillugu assortuinissaminut akuersissummik pigisaqartoq periarfissaqarsimasariaqarpoq, kiisalu suliaq makkunatigut aalajangiiffigineqarsimasariaqarluni:
- (1) Isumaqatigiissuteqarneq akuersissummik pigisaqartup akuerisaa.
 - (2) Eqqartuussivikkut inaarutaasumik aalajangiineq.
 - (3) Isumaqatigiissaasup aalajangiinera, tassa kina allat taarsiissuteqarnissamik piumasaaqartoq isumaqatigiinngissutaasumik isumaqatigiissaasumut tunniussinissaminik ajoquserneq anaasaqarnerluunniit sioqqullugu pisinnaatitaaffeqareersimappat.
- 24. Inatsisinut, malittarisassanut, akuersissutinut isumaqatigiissutinullu allanut matuma attuumassuteqarnera**
- 24.1 Illuatungaani IBA manna, illuatungaani aatsitassanut inatsit, akuersissut imaluunniit malittarisassaajunnartut allat, malittarisassat imaluunniit atugassarititaasut aatsitassanut inatsit akuersissulluunniit naapertorlugu aalajangersarneqartut assigiinngissuteqarpata kingulliullugit taaneqartut (aatsitassanut inatsit, akuersissut imaluunniit malittarisassaajunnartut allat, malittarisassat imaluunniit atugassarititaasut aatsitassanut inatsit akuersissulluunniit naapertorlugu aalajangersarneqartut) IBA-mit matumanga pingaarnersapput.
- 24.2 Illuatungaani IBA manna, kiisalu illuatungaani akuersissut aalajangigarluunniit alla Naalakkersuisunersoq akuersissut naapertorlugu suliamut pissutsimulluunniit tunngasoq assigiinngissuteqarpata akuersissut imaluunniit aalajangiineq pingaarnersapput.

24.3 Illuatungaani IBA-mi matumani allakkiat pingaarnert illuatungaani ilanngussat taakkununga atasut imminnut naapertuutinnippata IBA manna pingaarnersaaq.

24.4 IBA manna kiisalu kommunip akuersissummilu pigisaqartup imaluunniit suliffeqarfiit akuersissummik pigisaqartut arlaata, tassa taakku arlaliusimappata, isumaqatigiissutigiunnagaat assigiinngissuteqarpata IBA manna pingaarnersaaq.

25. IBA-mut matumunnga kommunip aningaasartuutaanik utertitsineq

25.1 IBA pillugu isumaqatigiinniarnerni kommunip aningaasartuutai naammaginatut akuersissummik pigisaqartup utertissavai.

25.2 Aammattaaq IBA-p matuma ukiumoortumik malitseqartinneqarnerani atortinneqarneranilu kommunip aningaasartuutaanik naammaginatunik akuersissummik pigisaqartoq utertissaaq.

25.3 Qaammatsiutit ukiuni tamani aningaasartuutissatut naatsorsuutigineqartut missingersuusioqqullugit akuersissummik pigisaqartup kommune noqqaaffigisinnaavaa.

25.4 Kommunip aningaasartuutaanik utertitsineq ukiumut 100.000 DKK-init annerusassanngilaq.

26. Inatsisit atuuttut kiisalu inatsisinut allanut attuumassuteqarnera

26.1 IBA manna Kalaallit Nunaanni inatsisit Danmarkimilu inatsisit Kalaallit Nunaanni qaqugukkulluunniit atuuttut ataaniippoq.

26.2 Naalackersuisut imaluunniit siunissami naalackersuisuusartussat inatsisartuusartussallu inatsisinik allannguisinnaatitaanerannik imaluunniit IBA manna naapertorlugu suliit pisussaaffiilluunniit pillugit malittarisassalorsinnaanerannik aalajangersaasinnaanerannilluunniit IBA manna killiliissanngilaq.

26.3 Akuersissutinik, soorlu misissueqqaarnissamut, misissueqqissarnissamut piaanissamulluunniit akuersissutini, akuersissutinik allanik ingerlatsinissamullu akuersissutinik aatsitassanut inatsisikkut inatsisitigut allatigulluunniit piumasarineqartunik akuersissummik pigisaqartup pisarsiniartussaanerannik IBA manna atorunnaarsitsinngilaq.

27. Eqqartuussivitsigut aalajangiisinnaatitaasut

27.1 Aaqqiagiinngissutit suulluunniit IBA-p matuma malitsigisai tassungaluunniit atatillugu pilersut Kalaallit Nunaanni Danmarkimilu eqqartuussivinnit aalajangiivigineqassapput Kalaallit Nunaanni Nuuk aalajangiiviusassalluni. Aaqqiagiinngissutini tamani eqqartuussiviit pineqartut kisimiillutik oqartussaaitapput. Eqqartuussivinni taama ittuni aalajangikkat tamatumunnga inatsisit naapertorlugit ingerlateqqinneqarsinnaapput.

28. Oqaatsit

28.1 IBA manna tuluttuunngorlugu suliaavoq. Kalaallisut danskisullu assilineri tamanit pissarsiarineqarsinnaanngortinneqassapput. Qanoq paasineqarnissaat assigiinngissagaluarpata tuluttuaa atuutissaaq.

29. Atsiorneri

29.1 IBA manna qassinngorluguluunniit atuuttussanngortinneqarsinnaavoq, assilinerilu atortussaaitat tamarmik imminni IBA-tut pioqqaartutut atuutissapput. Tuluttua kisimi atorneqassaaq. Taamaattorli suleqataasut tamakkerlutik assilineranik atortussaaitamik atsiorsimatinnagit suleqataasut arlaannaalluunniit IBA-mut matumunnga pituttorsimassanngilaq. Assilineri atortussaaitat atsiorfissaminni tamani atsiorsimasut ataatsimoortussanngortinneqassappata Naalakkersuisut pisinnaatinneqarput assilinerinit atortussaaitanit tamanit atsiornerit tigussallugit, taavalu atsiorfissaat suleqataasunit tamanit atsiorneqareerpata quppernerit atsiorfissaasut assilinerinut atortussaaitanut ilanngutsissallugit.

Tanbreez Mining Greenland A/S

Naalakkersuisut

Ateq:
[taaguut atuuffilluunniit]
Najugaq
Sumiiffik:
Ulloq:

Ateq:
[taaguut atuuffilluunniit]
Sumiiffik: Nuuk
Ulloq:

Kommune Kujalleq

Ateq:
[taaguut atuuffilluunniit]
Sumiiffik: [Kalaallit Nunaanni illoqarfik]
Ulloq: [Ulloq]

Ilanngussaqaq 1 Sulisut Kalaallit Nunaanneersut (anguniagaq)

Aatsitassanut inatsimmi § 18, imm. 1 naapertorlugu § 16 malillugu akuersissutikkut aalajangersarneqassaaq akuersissummik pigisaqartoq sulisunik Kalaallit Nunaanneersunik qanoq atuitigissanersaq. Kisiannili akuersissummik pigisaqartoq sulisussanik piginnaanillinnik Kalaallit Nunaanni pissarsisinnaangikkuni suliffeqarfimmi pisari-aqartitsineq naapertorlugu avataaneersunik atuisinnaavoq.

Akuersissut naapertorlugu suliat ingerlaneranni sulisussanik Kalaallit Nunaanneersunik sulisoqarnermi anguniakkat pingaernerit

- (1) Akuersissummik pigisaqartoq sapinngisaq tamaat sulisunik Kalaallit Nunaanneersunik atuissaaq.
- (2) Akuersissummik pigisaqartup kiisalu taassuma sanaartortitaasa pisiniartarfiisa sullissisuisalu aatsitassarsiorfiup sananeqarnerata nalaani sulisunik Kalaallit Nunaanneersunik atuinermini anguniagaa tassaavoq sulisunit tamarmiusunit agguaqatigiissillugu 50 procentinik atuissasoaq.
- (3) Akuersissummik pigisaqartup kiisalu taassuma sanaartortitaasa pisiniartarfiisa sullissisuisalu aatsitassarsiorfiup tunisassiornerata nalaani sulisunik Kalaallit Nunaanneersunik atuinermini anguniagaa tassaavoq sulisunit tamarmiusunit agguaqatigiissillugu 50 procentinik atuissasoaq.
- (4) Aatsitassarsiorfiup matuneqarnerani Akuersissummik pigisaqartup kiisalu taassuma sanaartortitaasa pisiniartarfiisa sullissisuisalu sulisunik Kalaallit Nunaanneersunik qanoq atuitiginissaanik isumaqatigiisusiortoqassaaq aatsitassarsiorfimmik matusilersaarnerminik akuersissummik pigisaqartup Naalakkersuisunut ilisimatitsissuteqarnerata kinguninngua.

Sulisussarsiornermi periaaseq

Akuersissummik pigisaqartoq imaasiussaaq:

- (1) Sulisut Kalaallit Nunaanneersut salliutillugit sulisorissavai.
- (2) Najukkami sulisussarsiornermi periaasissiuussaaq sulisussat kommunimeersut kiisalu Kalaallit Nunaanni illoqarfinnit nunaqarfinnillu allanit pisut aatsitassarsiorfimmi ajornanginnerusumik sulilernissaannut aqqaasussamik.
- (3) Aatsitassarsiorneq tamatumanilu suliffissat pillugit qaammarsaalluarnissaaq anguniassavaa.
- (4) Najukkami ilinniarfinnik suleqateqarluassaaq.
- (5) Kommunimik kiisalu suliffissarsiuussisarfinnik oqartussanillu attuumassuteqartunik suleqateqarluassaaq.
- (6) Suliffeqarnermut attuumassuteqartunik suleqateqarluassaaq.
- (7) Sulisut naammaginantumik sivilissusilinnik paarlakaattarnissaat sulissutigissavaa.

- (8) Sulisussarsiornerit, aporfiiit paasisat kiisalu sulisussarsiornermi angusat pillugit uppersaatinik saqqumiussaqaassaaq.
- (9) Atorfinititsineq sioqqullugu isumasioqatigiisitsissaaq atorfillu inuttalerniarneqartut allagarsiullugit.
- (10) Najukkami suliffissaqartitsineq annerulersinniarlugu SIK-ip immikkoortortaanik kattuffinnilluunniit atuumassuteqartunik suleqateqassaaq.

Atorfinni ataasiakkaani piunasaqaatigineqartut sunik tunngaveqarnerinik nassuiaataasunik imaluunniit sulisussat Kalaallit Nunaanneersut aatsitassarsiorfimmi sullivinnilu tassunga atasuni sulilernissaanngu aporfinnut nassuiaataasunik paasisutissanik Naalakkersuisut noqqaassuteqarsinnaatitaapput.

Sanaartornerup ukiuani siullermi anguniakkat aalajangersimasut

Akuersissummik pigisaqartup aamma/imaluunniit taassuma sanaartortitaata, pisiniartarfiata sullissisuatalu anguniakkat tulliuuttut anguneqarnissaat qularnaassavaat, taamaammallu tamarmik nalilersussavaat anguniakkat anguneqarnissaannut qanoq suleqataasinnaanerlutik.

Sanaartornerup ukiuani siullermi sulisunut Kalaallit Nunaanneersunut anguniagaq tassaavoq sulisut tamarmiusut 50 procenterissagaat.

Sanaartornerup ukiuani siullermi atorfiit inuttassarsiorneqartussat naatsorsuutigineqartut allassimaffiat.

Sanaartornerup ukiuani siullermi sulisussat amerlassusissaattut missingikkat			
Suliffiup nassuiarnera	Sulisut amerlassusii	Sulisut Kalaallit Nunaanneersut / avataaneersut amerlassusii	Suliffiit tamarmiusut Kalaallit Nunaanneersut / avataaneersut
Akuersissummik pigisaqartumit immersugassaaq	Akuersissummik pigisaqartumit immersugassaaq	Akuersissummik pigisaqartumit immersugassaaq	Akuersissummik pigisaqartumit immersugassaaq
Katillugit			

Sanaartornerup ukiuini tulliuuttuni, tunisassiornerup matusinerullu nalaani anguniakkat aalajangersimasut ilaatigut nalunaarusiat naliliinerillu tunngavigalugit ukiumiit ukiumut isumaqatigiisutigineqartassapput.

Sulisussat Kalaallit Nunaanneersut naammattut pissarsiarineqarsinnaannginnerat naapertorlugu Naalakkersuisut Kalaallit Nunaanni oqartussanut, ilinniarfinnut, akuersissummik pigisaqartumut aamma/imaluunniit taassuma sanaartortitaanut, pisiniartarfiinut sullissisuinulu kaammattuuteqarsinnaapput sulisussat Kalaallit Nunaanneersut eqqortunik piginnaasallit qanoq amerlineqarsinnaasut sungiusaanikkut, ilinniartitsinikkut piginnaanngorsaanikkullu.

Sulisut Kalaallit Nunaanneersut amerlassusii agguataarnerilu, ilanngussami matumani oqaatigineqartut inuup ataatsip ukiumi ataatsimi akunnerit suliffiisut aalajangigaapput.

Ilanngussa 2

Suliffeqarfiit Kalaallit Nunaanneersut kiisalu suliariumannittussarsiornermi suleriaatsit (anguniakkat)

Akuersissummik pigisaqartoq suliffeqarfinnut Kalaallit Nunaanneersunut perarfissiissaaq taakkununga pisiniartarnissamik atuinissamilu isumaqatigiissusiornikkut, tassa suliffeqarfiit Kalaallit Nunaanneersut teknikkikkut niuernikkullu unammillersinnaassusiat apeqqutaatillugu, tak. Aatsitassanut inatsimmi § 18, imm. 2.

Aatsitassanut inatsimmi § 18, imm. 1-ip kiisalu § 18, imm. 2-ip malinneqarnissaat qularnaarumallugu akuersissummik pigisaqartoq taassumalu ingerlatsisui aatsitassarsiorfiup piunerata immikkoortuini assigiinngitsuni (takuuk tabel kingulianiittoq) niuerniartarnermi tunngavissiussapput suliffeqarfiit Kalaallit Nunaanneersut sulisullu peqataanerannik annertusaasussamik.

Tabelimi tulluuttumi takuneqarsinnaapput aatsitassarsiorfiup piunera pisiniartarnissat.

Aatsitassarsiorfiup piunerani pisiniartarnerit pisinnaasut		
Ukioq	Killiffik (suliart nassuiarneri)	Pisarineqarsinnaasut
1-3	Sanaartorneq / ineriartortitsineq: Ujaraajaaneq, nalimmassaaneq, qaartiterineq, atortorissaaruteqarfinnik sanaartorneq (suliareqqiivik, tunisassianik toqqorsivik, umiarsualivik, sarfaliork, najugaqarfiit atortorissaaruteqarfiillu allat)	<i>Atortut, illutat maskiinallu:</i> Aserorterivik, saviup kajungerisaanik immikkoortiterut, sarfaliork, najugaqarfiit, toqqorsiviit kiisalu atortulersuutit allat, soorlu oqquutat. <i>Nioqqutissat sullissinerillu:</i> Orsussamik pilersuineq, inuusutissat, angallassineq, qaartiterutissat, nakorsaatit, neri-saqartitsienq kiisalu eqqiaaneq, teknikkikkut sullissinerit allalu.
)	Tunisassiorneq / ingerlatsineq Akuiagassamik paaaneq (qillerinerit kiisalu qaartiterinerit), suliareqqiineq (aserorterineq saviullu kajungerisaa atorlugu immikkoortiterineq) Avatangiisinut sunniutit sammineqarnerat	Nioqqutissanik sulisunillu assartuineq Najugaqarfimmi sullissinerit Orsussamik pilersuineq Nukiliorfinnut orsussamik pilersuineq Nioqqutissanik inuusutissanillu pilersuineq Teknikkikkut sullissinerit Aatsitassarsiorfimmi atortussanik pilersuineq Qaartiterutissanik pilersuineq Nakorsaatnik pilersuineq
3 ár og 5 má-neder	Matusineq / nunamik iluarsaassineq Taamungaannaq missingiilluni nunamik iluarsaasseqinneq qaammatinik tallimanik sivissuseqassangatinneqarpoq, tamatumalu kingorna ukiuni pingasuni malinnaavigineqassalluni. Suliart pilersaarutigineqartut ma-	Nunamik iluarsaaqqinnermi aatsitassarsiorfiusimasullu malinnaavigineqarnerani sullissinerit nioqqutissallu. Pisarineqarsinnaasut erseqqissarneqasapput kingusinnerpaamik Aatsitassanut inatsimmi § 86 naapertorlugu aatsitassarsiorfiup ingutserneqarnissaanut peerneqarnissaanullu pilersaarummik oqartussat aalajangiisinnasut akuerseriarpata.

	tusinermilu piffissamut pilersaarut si-unissami oqartussanit aalajangiisinaatitaasunit akuerineqassapput.	
--	---	--

Aatsitassarsiorfiup atortorissaaruteqarfiillu tassunga atasut suliarineqarneranni pisiniartarneq

Illutanik pilersuinermilu atortunik, soorlu qulimiguullit mittarfiannik umiarsuavilimmillu, sanaartornermi danskit kalaallillu inatsisaat malinneqartussaammata, soorlu " Sanaartukkat innaallagissamut sakkortuumut atugassat atortullu innaallagiatortut pillugit Inatsisartut peqqussutaat" kiisalu Kalaallit Nunaanni sanaartornermi maleruaqqusat, naatorsuutigineqarpoq tamakkuninnga sanaartorenrmi suliffeqarfiit Kalaallit Nunaanneersut akuutinneqassasut.

Aatsitassiorfimmi atortussanik kiisalu sanaartornermi atortussanik pisiniartarneq

Aatsitassarsiorfimmi atortunik neqerooruteqartartartut, soorlu Caterpillar, Hitachi, Komatsu, Sandvik, Atlas Copco, Kalaallit Nunaanni annerusumik ingerlataqanngillat. Taamaammat atortut soorlu aserorterutit, saviup kajungerisaanik immikkoortiterutit, usisaatit kuisartut, assaatit qillerutillu pissarsiarineqassammata suliffeqarfiit nunanit allaneersut akuutinneqartariaqassapput. Taamaattorli suliffeqarfiit Kalaallit Nunaanneersut isumaqatigiissuteqarfigineqarsinnaasassapput aatsitassanut inatsimmi § 18, imm. 2 naapertorlugu teknikkikkut niuernikkullu unammillersinnaagunik.

Tunisassiornerup nalaani nioqqutissanik sullissinernillu pisisarnerit

Nioqqutissanik, orsussanik sullissinernillu soorlu umiarsuit qulimiguullilluunniit atorlugit sullissinernik, qaartiterutis-sanik, najugaqarfimmi sullissinernik allanillu pisiniartarnerit pillugit suliffeqarfiit Kalaallit Nunaanneersut isumaqatigiissuteqarfigineqartassapput taakku aatsitassanut inatsimmi § 18, imm. 2 naapertorlugu teknikkikkut niuernikkulluunniit unammillersinnaagunik.

Sanaartornermi ingerltsinermilu sulianut atatillugu pisiniartarnermi tunngaviit

Akuersissummik pigisaqartoq taassumalu ingerlatsisua suliffeqarfinnik sulisunillu Kalaallit Nunaanneersunik peqataatitsineq annertusarniarlugu niuerniartarnermi periaatsinik pilersitsissapput atuutsitsissallutillu, taak-kunanilu makku tunngavigineqassapput, taakkuinnarnullu killeqassanatik:

- (1) Suliffeqarfik sunaluunniit akuersissummik pigisaqartumut, taassuma ingerlatsisuanut sanaartortitaanu-lluunniit isumaqatigiissusiortoq, taamalu akuersissut naapertorlugu suliatigut isertitaqartoq, Kalaallit Nu-naanni Inuusutissarsiuutinik Ingerlatalinnik Nalunaarsuiffimmut (CVR) nalunaarsimassaaq.
- (2) Akuersissummik pigisaqartoq kingusinnerpaamik ullormi piiaanissamut pilersaarummik matusinissamillu pilersaarummik aatsitassanut inatsimmi § 19 aamma 43 naapertorlugu akuerisassanngorlugit nassiussivimmini aatsitassarsiorfimmi sulinermut atatillugu pisiniartarnissat ukiup naanerata tungaanut pisussat pil-lugit eqqoriaanernik akuersissummik pigisaqartup taassumaluunniit ingerlatsisuata nittartagaatigut tama-nut saqqummiunissamik qularnaarissaaq taassuminngalu Naalakkersuisunut nassiussissalluni.
- (3) Akuersissummik pigisaqartup aatsitassanut inatsimmi § 86 naapertorlugu pilersaarutininik aalajangersi-masunik siullernik akuersivigineqarfiata ukiup naanginnerani akuersissummik pigisaqartoq taassumaluun-niit ingerlatsisua ukiup sinnerani pisiniarnissanik eqqoriaanernik saqqummiussissaaq akuersissummik pigisaqartup taassumaluunniit ingerlatsisuata nittartagaatigut. Tamatuma kingorna ukiut tamarnik naanginneranni ukiumi tullermi pisiassanik eqqoriaanernik akuersissummik pigisaqartoq tamanut saqqummiussisoqartarnissaanik qularnaarisassaaq. Pisiassanik eqqoriaanerit nittartakkami akuersissum-mik pigisaqartup toqqagaani ukiumoortumik saqqummiunneqartassapput.

- (4) Pisiniarnissanik missingikkat ukiumoortumik pisiassanik eqqoriaanermi tamanut saqqummiunneqartut anertussusiisa amerlassusiisalu ajornanngippat najukkami suliffeqarfiit pisinnaassusiinut naapertuunissaat akuersissummik pigisaqartup qularnaartassavaa.
- (5) Ukiumoortumik pisiniarnissanik eqqoriaaneq ukiup naannginnerani isumaqatigiissusiarineqartussap nalingata missingerneranik imaqartassaaq. Pisiniarnerit matuma kinguliani killigititaasutut angitigisut annerusulluunniit kisimik ukiumut pisiniarnissanik eqqoriaanermut ilanngunneqartassapput.

Nalinganut killiliussaq 200.000 DKK

- (6) Isumaqatigiissutip nalingatut missingigaq Kalaallit Nunaanni atugassarititaasunik kiisalu akuersissummik pigisaqartup aningaasanik tamarmiusunik naliligaanik tunngaveqaveqassaaq, tassungalu ilaassapput isumaqatigiissusiornermi periarfissarititaasut sivitsueratarsinnaaneranillu suliariumannittussarsiornermi pineqartuni erseqqissummik oqaatigineqarsimasut.
- (7) Ukiumut pisiassanik eqqoriaanerni pisiniarneq pillugu isumaqatigiissut nalissaattut missingikkat nittartakkami akuersissummik pigisaqartup toqqagaani ukiumoortumik tamanut saqqummiunneqarfimmik nalaani eqqortuussapput.
- (8) Pissarsinerit imaluunniit pisinerit suulluunniit aatsitassarsiorfimmu atattillugu pisut Kalaallit Nunaanni atugassarititaasunik aallaaveqartassapput.
- (9) Akuersissummik pigisaqartoq aatsitassarsiorfimmi nerisassanik pilersuineq pillugu najukkami aalisartunut, nunalerisunut piniartullu isumaqatigiissusiussaaq.

Sanaartornerup ingerlatsinerullu nalaanni suliariumannittussarsiornerit

- (1) Pissarsineq pisiniarnerluunniit sunaluunniit 200.000 DKK-nit annerusumik isumaqatigiissusiornermik naleqartussaq suliariumannittussarsiorneqartassaaq.
- (2) Inuup inuunera, aningaasatigut pigisat aamma / imaluunniit avatangiisit pilliutigineqaratarsinnaatillugit, kiisalu pilertortumik iliuuseqarnissaaq pingaaruteqarluinnartillugu pisut pinngitsoortinneqassappata sakkukillisarneqassappataluunniit isumatigiissusiarineqartussat suliariumannittussarsiorneqarnissaannik pi-umasaaqatit atuuttassanngillat.
- (3) Pisiniarnerit killiliussaq qaangerlugu naleqassanganneqartut pillugit pisiniarnissanik ukiumut missingiernerit suliariumannittussarsiornerup qaqugukkut pinissaanik piffissamut pilersaarutitaqartassapput.
- (4) Allagaatit suliariumannittussarsiornermut attuumassuteqartut tamarmik, minnerpaamik nittartakkami akuersissummik pigisaqartup toqqagaani tamanut saqqummiunneqartassapput. Akuersissummik pigisaqartup isumagissavaa ulloq suliariumannittussarsiornerup aallartiffissaa Kalaallit Nunaanni tusagsarsiorfinni saqqummiunneqassasoq kiisalu inuussutissarsiorlut suleqatigiiffiinut, aamma Kommune Kujal-lermi inuussutissarsiorlut suleqatigiiffiinut saqqummiunneqassasoq.

- (5) Suliariumannittussarsiuussinermi atortussat tamarmik kiisalu suliariumannittussarsiuussinermut atatillugu neqeroorutit takkuttut tamarmik allaganngorneqarsimassapput.

Sanaartornermi ingerlatsinermilu sulianut atatillugu suliffeqarfinnik toqqaasarnermi tunngaviit

Suliffeqarfiit Kalaallit Nunaanneersut teknikkikkut niuernikkulluunniit unammillersinnaanngippata suliffeqarfiit avataaneersut atorneqarsinnaanerat aatsitassanut inatsimmi § 18, imm. 2-mi allassimavoq. Tamanna pissutsillu allat aallaavigalugit neqerooruteqartunik tamanik toqqaaniarnermi tunngaviit makkuninnga imaqaassapput taakuinnarnulli killeqassanatik:

- (1) Neqerooruteqartup Kalaallit Nunaanni Inuussutissarsiutinik Ingerlataqartunik Nalunaarsuiffimmut nalunaarsimanera.
- (2) Neqerooruteqartup aningaasatigut aningaasalersuinikkullu pisinnaasaqassusianut uppersaasaat.
- (3) Neqerooruteqartup teknikkikkut pisinnaassusia.
- (4) Neqerooruteqartup tunniussinissaa qularnaarumallugu sulisut avataaneersut atorneqarnissaat ilimanarpat sulisut Kalaallit Nunaanneersut assingusunik piginnaasallit piffissap isumaqatigiissuteqarfiup ingerlanerani pissarsiarineqarsinnaannginnerat pillugu uppersaatinik pissarsiniarnermi suleriaasissat neqeroorummut ilanngunneqassapput, tak. aatsitassanut inatsimmi § 18, imm. 2.
- (5) Neqerooruteqartup tunniussinissaa qularnaarumallugu sullissisut avataaneersut atorneqarnissaat ilimanarpat suliffeqarfiit Kalaallit Nunaanneersut teknikkikkut niuernikkulluunniit unammillersinnaannginneranik uppersaatait neqeroorummut ilanngunneqassapput,

Sanaartornermut ingerlatsinermullu atatillugu suliat pillugit isumaqatigiissusiortarnerni

Akuersissummik pigisaqartoq isumaqatigiissutinik sunilluunniit atuinermi isumaqatigiissuteqarfigisassanik toqqaasarnermi tunngaviit makku ilaatigut atortassavai:

- (1) Neqerooruteqartoq isumaqatigiissusiorfigineqarsinnaassappat neqeroorut Kalaallit Nunaanni atugassari-titaasunut naapertuuttariaqarpoq.
- (2) Tunniussinissami naatsorsuutigineqartumi imaluunniit isumaqatigiissut naapertorlugu pisussaaffiit naammassineqarneranni sulisut Kalaallit Nunaanneersut atorfinitsinneqartussat amerlassusii.
- (3) Tunniussinissami naatsorsuutigineqartumi imaluunniit isumaqatigiissut naapertorlugu pisussaaffiit naammassineqarneranni suliffeqarfinit Kalaallit Nunaanneersunit pisiniarnerup annertussusia Annertussusia isumaqatigiissutip nalingata procentiatut agguarneratulluunniit oqaatigineqartassaaq.
- (4) Ilinniartut sungiusartullu Kalaallit Nunaanneersut aatsitassarsiornermut attuumassuteqartumik ilinniakkamik Kalaallit Nunaanni oqartussanit aalajangiisinnaatitaasunit akuerisaasumik ingerlatsisut.
- (5) Suliffimmi sungiusartut Kalaallit Nunaanneersut ilinniakkanik allanik Kalaallit Nunaanni oqartussanit aalajangiisinnaatitaasunit akuerisaasunik ingerlatsisut suliffimmi sungiusarnermik naammassinissimasut.

- (6) TKI-imi Aatsitassalerinermik Ilinniarfimmum tapersiinerit suleqateqarnerilluunniit nassuiarneri, soorlu suliamik ilinniagaqarsimanngitsunut piginnaanngorsaaneermut atatillugu pikkorissaanernik naatsunik aatsitassarsiornermut attuumassuteqartunut tapersiinerit.
- (7) Kalaallit Nunaanni inatsisit naapertorlugit, soorlu aatsitassanut inatsit kiisalu aatsitassanut inatsimmi § 18, imm. 1 kiisalu § 18, imm. 2 naaperotrlugu akuersisummik pigisaqartoq taassumalu ingerlatsisua namminneq naliliinertik naapertorlugu sullisissorissamam piginnaanerit neqeroorutaanillu naliliisinnaatitapput akuersisummik pigisaqartup taassumalu sanaartortitaasa toqqaanissamut najoqqutaat tunngavigalugit.

Ammasumik ingerlatsineq nalunaarusiortarnerlu

Akuersisummik pigisaqartup qularnaassavaa niuerniararnerup suliariumannittussarsiorarnerullu ingerlanerani tamarmi uppernarsaatit naammattut toqqortarineqartassasut, soorlu neqerooruteqartunut suliffeqarfinnullu Kalaallit Nunaanneersunut attaveqarnermut uppernarsaatit, pisiniarnermut uppernarsaatit, pisiniarnissamik missingiinerit, oqaloqatigininninerit immaqalu isumaqatigininniarnerit, neqeroorutit nassiunneqartut kiisalu toqqaaneq isumaqatigiissuteqarnerlu pillugit. Uppernarsaatit tamakku ullormit isumaqatigiissuteqarfimmiit sivikinnerpaamik ukiuni marlunni toqqortarineqartassapput. Kiisalu aatsitassarsiorfimmum atatillugu suliariumannittussarsiornerit tunngavigalugit pisiniarnerit eqikkarneri ukiumoortumik nalunaarusiortarnermi naliliinermillu nalunaarusiortarnermut ilanngunneqartassapput.

Ilanngussaqaq 3 Ilinniartitaaneq allallu (anguniakkat)

Ilanngussaqaq 3 manna sulisunik Kalaallit Nunaanneersunik sanaartornerup ukiuani siullermi ilinniartitsineq sungiusaanerlu il.il. pillugit pisussaaffinnut anguniakkanullu tunngavoq.

Ilinniarfissat suliffimmilu sungiusarfissat

Akuersissummik pigisaqartup aatsitassarsiorfimmi ilinniartunut suliffimmilu sungiusartunut suliffissaqarnissaa qularnaassavaa.

Sanaartornerup ingerlanerani ukiut tamaasa atorfiit makku sulisunut Kalaallit Nunaanneersunut neqeroorutigineqartassapput:

- (1) Allaffissornermi ilinniarfissaq minnerpaamik ataaseq
- (2) Mekanikerisut, aatsitassarsiorfimmi sulisutut, sarfalerisutut assigisaattullu ilinniarfissat minnerpaamik si-samat Kalaallit Nunaanni inuussutissarsiuutinut ilinniarfinni ilinniartunut naatsorsuussat.
- (3) Ilinniartunut Kalaallit Nunaanneersunut ilinniarfissat minnerpaamik marluk, tassa Kalaallit Nunaanni ilinni-arfinni, universititini assigisaanniluunniit ilinniartunut naatsorsuussat.

Sulisunik Kalaallit Nunaannersunik ilinniartitsineq sungiusaanerlu

- (1) Sanaartornerup ukiuani siullermi sulisut Kalaallit Nunaanneersut minnerpaamik marluk sulisutut sulilernis-samut ilinniartinneqarnissaat akuersissummik pigisaqartup qularnaassavaa – tassa minnerpaamik for-manditut aqutsisuaqqatulluunniit -

Akuersissummik pigisaqartoq Kalaallit Nunaanni oqartussanik suliffeqarnermullu attuumassuteqartunik su-leqateqarluni aatsitassarsiorfimmi atorfinni assigiinngitsuni sulisut nutat ilinniartinneqartarnerisa piviusunngortin-neqarnissaanik pilersaarusiussaaq.

Allassimaffimmi tullermi sanaartornerup ukiuani siullermi sulisunik Kalaallit Nunaanneersunik ilinniartitsinerit pisariaqartut takuneqarsinnaapput. Tamaammat allassimaffimmi matuma kingulianiittumi ilinniartitsinernut pisari-aqartinneqartunut ilaapput sanaartornerup ukiuani siullermi piginnaangorsaaneq, piginnaasat pigeriigassat ki-isalu anguniakkat.

Sanaartornerup ukiuani siullermi sulisunik Kalaallit Nunaanneersunik ilinniartitsinerit pisari-aqartut:

Suliffiup nassuiarnera (Sulianut nassuiaatit allas-simaffiat takuuk)	Pikkorissarnerup / ilinnia-rtitsinerup taaguutaa	Ilinniartitaanikkut pi-umasaqaat	Ilinniarfik
Akuersissummik pigisaqartup im-mersugassaa	Akuersissummik pigisaqartup immersugassaa	Akuersissummik pigisaqartup immersugassaa	Akuersissummik pigisaqartup immersugassaa

--	--	--	--

Aatsitassarsiorfiup ingerlanerani tamarmi sulisut Kalaallit Nunaanneersut qaffariartornissamut ilinniarsinnaanisaanik periarfissaanillu akuersissummik pigisaqartup neqeroorfigisassavai.

Siuliani taaneqartut taamaakkaluarpataluunniit akuersissummik pigisaqartup aalajangissavaa kina atorfirmik tigusissanersoq, aamma soorlu formandit atorfimmik tigusissanersoq.

Akuersissummik pigisaqartoq sulisunut Kalaallit Nunaanneersunut tuluttoornermut ilinniartitsinerneq neqeroorteqassaaq.

Ukiuumoortumik nalilersuinerup kingorna akuersissummik pigisaqartoq ukiumi tassani atorfinnik sulisunit Kalaallit Nunaanneersunit inuttalerneqarsinnaasimangitsunik nalunaarsuissaaq. Akuersissummik pigisaqartup tamatuma kingorna nalilersuinerup nalunaarusiami itisilissavaa ukiumi aggersumi sulisunik Kalaallit Nunaanneersunit atorfinitsissusaataitaanerup qanoq anguneqarsinnaanera, tassunga ilanngullugit ilinniartitsinikkut iliuusissat kiisalu tusagassiorfitsigut allatigullu sulisussarsiornerit nassuiarlugit.

Kalaallit Nunaanni aatsitassarsiornermi ilinniartitsinerneq ukiumoortumik aningaasaliissutit

Sanaartornerup ukiuani siullermi kiisalu ukiuni tulluittuni tamani sanaartornerup naammassinissaata tungaanut akuersissummik pigisaqartoq ukiut tamaasa aningaaserivimmi kontumut 100.000 DKK-inik ikisisassaaq.

Ingerlatsinerup ukiuani siullermi ukiunilu tulluittuni tamani aatsitassarsiorfiup matunissaata tungaanut akuersissummik pigisaqartoq ukiut tamaasa aningaaserivimmi kontumut 500.000 DKK-inik ikisisassaaq.

Akuersissummik pigisaqartup atini atorlugu Grønlandsbankenimi kontomik matoqqasumik pilersitsissaaq. Aningaasat ukiut tamaasa akuersissummik pigisaqartumiit aningaaserivimmi kontumut ikineqartartut akuersissummik pigisaqartup ukiut tamaasa Grønlandsbankenimi kontumut pineqartumut nuuttassavai.

Aningaaserivimmi konto aaqinneqasaaq Kommune Kujallerneq allaffeqarfimmi toqqakkat kisimik kontumi aningaasanik tigusinnaangorlugit.

Akuersissummik pigisaqartoq aningaaserivimmi kontumik atuisinnaatitaassanngilaq aningaasallu kontumiittut pi-umasarisinnaanagit.

Aningaasat kontumiittut Kommune Kujalliup aqussavai. Kommune Kujalleq Naalakkersuisunik suleqateqarluni aningaasaliiffiqarsinnaasunit qinnuteqaatinik tunineqarnissaannillu nalilersuisassaaq.

Ukiuumut aningaasaliissutit, akuersissummik pigisaqartumit aningaaserivimmi kontumut ikineqartut, akuersissummik pigisaqartup aningaaserivimmi kontuaniit Grønlandsbankinimi kontumut ukiut tamaasa kingusinnerpaamik 31. marts nuunneqartassapput.

Grønlandsbankenimi kontumi aningaasat aatsitassanut inatsimmi § 1, imm. naapertorlugu inuiaqatigiinni nammaneqarsinnaasumik sulisut Kalaallit Nunaanneersut ilinniarsimasut ilinniarsimangitsullu Kalaallit Nunaanni aatsitassanik sulianullu tassunga tunngasunik misissueqissaarnermi, qalluinerneq iluaqateqarnermilu suliaqarnissamut inuttut piginnaasaannik pitsanngorsaaneremut atorneqassapput.

Kalaallit Nunaanni aatsitassaqaarneranik misissueqqissaarnermi, qalluinermi iluaquteqarnermilu piginnaasaminnik pitsanngorsaaniarlutik ilinniarnermut ilinniakkamiluunniit qaffassarnermut atatillugu ukiumi ataatsimi aningaasartuutigisaminnut tamakkiisumik ilaannakortumilluunniit matussutissaminik aningaasanik aalajangersimasunik qinnuteqaateqarsinnaapput.

Tunniussinissamik suleqataasut pingasut tamarmik akuersisimatinnagit kontumiit aningaasanik tunniussisoqarsinnaangilaq.

Ukiut tamaasa kontumiit qinnutigineqartartut qinnuteqaatillu suliarineqartarneri pillugit suleqatigiit pingasuusut piunasaqaatinik sukumiinerusunik isumaqatigiissuteqarsinnaapput.

Ilanngussaq 4 Najukkami suliniutit najukkamilu tapiissutit

Akuersissummik pigisaqartup aningaasaateqarfinnut suliniutinulluunniit allanut ilanngussami 4-imi matumani taaneqartunut akiliutai atuutilissapput ukiumi aatsitassanik iluaquteqarnerup nioqqutissiornerullu aallartiffiani januaarip allaqqaataaniit. Ukiumi tassani januaarip aallaqqaataa kingoqqullugu aatsitassanik iluaquteqarneq tunisassiornerlu aallartissappata akiliutit taakku ukioq taanna januaarip aallaqqaataani atuutilersumik akilerneqartassapput ukiumullu tamarmut tunngasuussallutik. Aatsitassanik iluaquteqarneq tunisassiornerlu assersuutigalugu oktoobarip aallaqqaataani aallartippat aningaasaateqarfinnut allanullu akiliutit tamakkiisut ukiumut tamarmut tunngasut akilerneqartassapput.

(1) Najukkami ineriartortitsinermut aningaasaateqarfik

Qaammatsiutit ukiui tamaasa akuersissummik pigisaqartoq 1.000.000 DKK-nik najukkami ineriartortitsinermut aningaasaateqarfimmut akiliisassaaq.

Najukkami ineriartortitsinermut aningaasaateqarfik ateqassaaq "Tanbreez Project Local Development Fund" (Tanbreezip Aatsitassarsiorfiata najukkami ineriartortitsinermut aningaasaateqarfia)

Najukkami ineriartortitsinerut aningaasaateqarfiup aningaasaatai taamaallaat suliat pissutsillu tulliuuttut siuarsarneqarnerannut, tapersorsorneqarnerannut aningaasalersorneqarnerannullu aningaasartuutitut ator-neqartassapput:

- (1) Aatsitassarsiornermut tunngasutigut ilisimatusarneq ilinniartitsinerlu.
- (2) Kalaallit Nunaanni nunaqartut suliffeqarfiillu piniarnermik, aalisarnermik nunalerinermillu suliaqartut suliffeqarfinnut Kalaallit Nunaanni aatsitassanik misissueqqaarnermik, misissueqqissaarnermik qalluinermilluunniit suliaqartunut taakkunungaluunniit atasunik suliaqartunut piniarnermit, aalisarnermit nunalerinermillu tunisassianik pilersuisut suliaannut tapersiissutit.
- (3) Najukkami isumaginninnikkut kulturikkulu suliat pissutsillu
- (4) Kalaallit Nunaanni aatsitassanik misissueqqaarnermik, misissueqqissaarnermik qalluinermilluunniit suliaqartunut taakkunungaluunniit atasunik suliaqartunut nioqqutissanik aamma/imaluunniit sullissinernik tunioraasunik tunioraalersinnaasunilluunniit atatillugu inuussutissarsiorinnikkut sulianik najukkami ineriartortitsineq.
- (5) Aatsitassalerinermit ilinniarfimmi suliat pissutsillu.

Akuersissummik pigisaqartoq Grønlandsbankenimi kontumik atini atorlugu pilersitsissaaq. Aningaasat najukkami ineriartitsinermut akuersissummik pigisaqartumiit ukiumoortumik akilerneqartartut akuersissummik pigisaqartup Grønlandsbankenimi kontumut pineqartumut nuuttassavai.

Aningaaserivimmi konto aaqqinneqasaaq Kommune Kujallerimi allaffissortut akornanni toqqakkat kisimik kontumi aningaasanik tiguisinnaanngorlugit. Akuersissummik pigisaqartoq aningaaserivimmi kontumik atuisinnaatitaassanngilaq aningaasallu kontumiittut piumasarisinnaanagit.

Kommune Kujalliup Tanbreez Project Local Development Fund aqussavaa. Kommune Kujalleq Naalakkersuisunik suleqateqarluni aningaasaliiffigineqarsinnaasunit qinnuteqaatinik tunineqarnissaannillu nalilersuisassaaq.

Akuersissummik pigisaqartoq ukiut tamaasa 1.000.0000 DKK-inik Tanbreez Project Local Development Fundimut akiliisassaaq ukiut tamaasa kontuminiit 1.000.000 DKK-inik Tanbreez Project Local Development Fundip kontu- anut kingusinnerpaamik 31. Marts ikisisarluni.

Aningaasat ukiut tamaasa aningaasaateqarfimmut ikineqartartut	
	Ukiutum aningaasat DKK
Najukkami ineriartortitsinermut aningaasaateqarfik (siuliani taaneqartutut)	1.000.000
Aningaasaateqarfimmut akileeqataassutit tamarmiusut	1.000.000

(2) Kommunimi allaffeqarfik

Akuersissummik pigisaqartoq komunimi allaffeqarfimmik pilersitsissaaq, aserfallatsaaliissalluni atuissallunilu.

Ilanngussaᑦ 5 Nalunaarusiortarneq nalilersuisarnerlu

Nalunaaruteqartarneq naliliinernillu nalunaarusiat

Aatsitassarsiorfiup sananeqarnerata, tunisassiornerata matuneqarneratalu nalaani akuersissummik pigisaqartoq ukiut tamaasa Naalakkersuisunut nalunaarusiortassaaq naliliinernillu nalunaarusiortassalluni.

Nalunaarutini ukiumi qaangiuttumi suut piviusut paasissutissallu soqutiginaateqarsinnaasut akussutissiorneqartassapput.

Naliliinernik nalunaarusiani nalunaarutini paasisat itisilernerqartassapput kiisalu IBA-mut matumunnga ilanngusani ukiumi tulliuuttumi anguniakkanut nutarterutissat siunnersuutigineqartassallutik.

Nalunaarutit paasissutissanik makkuninnga ilaqasapput, taakkuinnarnullu killeqassanatik:

- (1) Sulisunik Kalaallit Nunaanneersunik sulisitsineq kiisalu Kalaallit Nunaanneersunik ilinniartoqarneq / sungiustartoqarneq kiisalu nunanit allaneersunik sulisoqarneq.
- (2) Kalaallit Nunaanneersunit suliffeqarfinnillu nunanit allaneersunik sullissinernik pisineq kiisalu teknikkimut tunngasuungitsunik sulisitsineq.
- (3) Suliffeqarfiit Kalaallit Nunaanneersut kiisalu suliffeqarfiit nunanit allaneersut aningaasaleeqatigiillutik ingerlatsinerat.
- (4) Suliffeqarfinnut Kalaallit Nunaanneersunut kiisalu nunanit allaneersunut isumaqatigiissutit aningaasartaat kiisalu aatsitassarsiorfimmi suliffeqarfiit Kalaallit Nunaanneersut nunanillu allaneersut amerlassusii.
- (5) Sulisunut Kalaallit Nunaanneersunut avataaneersunullu ilinniartitsinerit sungiusaanerillu.
- (6) Sulisunik Kalaallit Nunaanneersunik avataaneersunillu atorfeqartitsinerit sivisussusii, atorfinitsitsinermit periaatsit kiisalu sulisussarsiniarnermut takussutissat.
- (7) Aatsitassarsiorfimmi arnat atorfeqartit procentiinut paasissutissat.
- (8) Akileraarutigineqartut katillugit amerlassusii (akissarsianut tamarmiusunut akitsuutit, ingerlatseqatigiiffiit akileraarutaat, qallukkanut akiliutit il.il.)

Akuersissummik pigisaqartoq pissutsit IBA-mut attuumassuteqartut pillugit paasissutissanik allanik nassiusseqqullugu Naalakkersuisunit qinnuigineqarsinnaavoq.

Piffissaliussat piunasaqaatillu allat

Nalunaarusiat naliliinernillu nalunaarusiat ukiut tamaasa kingusinnerpaamik 31. maj Naalakkersuisunut nassiuneqartassapput.

Nalunaarutit naliliinernillu nalunaarusiat ukiumoortut akuersissummik pigisaqartumit nassiunneqartut tunngavigalugit ukiup tulliani isumaqatigiissummut ilanngussat nutarterneqassanersut nutarterneqassagunik qanoq nutarterneqassanersut suleqatigiinnit isumaqatigiissutigineqartassaaq.

IBA-mut ilanngussat nutarterneqarnissaat kingusinnerpaamik 30. juni isumaqatigiissutigineqartassaaq.

Nalunaarutitut naliliillunilu nalunaarusianut missingiutit tuluttut allanneqarsinnaapput. Kiisalu nalunaarusiat inaarutaasut kalaallisut danskisullu nassiunneqassapput.

Nalunaarutit naliliinernillu nalunaarusiat tusarniaassutigineqarnissaat piunasaqaataasinnaavoq.

Nalunaarutit naliliinernillu nalunaarusiat inaarutaasut tamanut saqqummiunneqartassapput.

Ilanngussaᑦ 6 Taaguutiniᑦ aalajangiinerit, suut qanoq paasineqassasut kiisalu ilanngussat

Taaguutiniᑦ aalajangiinerit

IBA-mi matumani ilanngussanilu oqaatsit oqariartaatsillu matuma kingulianiittut oqaatigineqartutut paasineqassapput oqaatigineqartutigit naapertorlugit allatut paasisariaqarsimangippata.

"Ilanngussaᑦ":	IBA-mut ilanngussaᑦ sunaluunniit. Taakku IBA-mut ilanngussaasarput.
"Iluqaqtissaniᑦ Sunniutinillu Pilersaarutit":	Iluqaqtissaniᑦ Sunniutissanillu Pilersaarut (suleqatigiinnissamik isumaqatigiissut) akuersissummik pigisaqartup suliaassaa atuutsitassaalu kiisalu Naalakkersuisunit akuersissutigineqartussaᑦ.
"Sanaartorneq pillugu isumaqatigiissut	Iluliat sanaartukkallu pillugit isumaqatigiissut.
"DKK":	danske kroner
"Ajunaarnersuaqarnera"	aporfik, suleqataasup eqqortitsinngitsoorneraniᑦ akuersiffiusoq: suleqataasup eqqortitsinngitsoornera malinninngitsoorneraluunniit akuerineqarsinnaavoq unioqquitsineq, malinninngitsoorneraluunniit avataani pisunik pissuteqarpat (aporfeqarpat), tassa (1) unioqquitsinermik malinninnginnermilluunniit pinngitsoortitsisinnaangitsumik, (2) suleqataasut aqussinnaangisaanik, kiisalu (3) suleqataasut siumut takusinnaangisaanik, pinngitsoortissinnaangisaanik, avaqqussinnaangisaanik aamma/imaluunniit oqilisarsinnaangisaanik. Pisulli taamaattut (aporfiit) tassaangillat suleqataasup aningaasanik tigorianaateqannginnera, suleqataasup akiliisinnaassuseqannginnera imaluunniit assingusumik akiliutissateqannginnera akiliisinnaassuseqannginneraluunniit. Pissutsit tamakku (aporfiit) pigaangata suleqataasoq erngerluni suleqatiminut allanut allakkatigit tamatumingga nalunaaruteqartassaaq nasuiarlugulu pisut (aporfiit) suunersut, qanoq annertutiginersut qanorlu sivisutigissanganneqarnersut. Suleqataasup unioqquitsinera eqqortitsinnginneraluunniit aatsaat akuerineqarsinnaavoq pisup (aporfiup) qaangiunnissaata tungaanut imaluunniit pinngitsoortinneqarsinnaangornissaata tungaanut, avaqqunneqarsinnaangornissaata aamma/imaluunniit oqilisarneqarsinnaangornissaata tungaanut.

"Suliffeqarfik avataaneersoq":	suliffeqarfik Kalaallit Nunaanneersuunngitsoq
"sulisoq avataaneersoq":	Sulisoq Kalaallit Nunaanneersuunngitsoq.
"Annertuumik unioqqutitsineq":	IBA manna naapertorlugu pisussaaffigisanik unioqqutitsineq, tassa (1) pisussaaffimmik eqqortitsilluarneq imaluunniit piffissaq eqqorlugu naammassinninneq malinninnerluuniit IBA-mut matumunnga tamatumani anguniakkanut assut pingaaruteqarpat, imaluunniit (2) unioqqutitsineq eqqugasup pisassatut eqqortumik naatsorsuutigisaagaluani pinngitsoortitsippat, tassa aatsaat unioqqutitsisup pisussaaf siumut takusinnaareersimangippagu taamalu inerneru siumut naammaginartumik takusinnaasimangippagu imaluunniit (3) unioqqutitsineq piaarluneerneruppat eqqugaasumullu isumaqalersitsippat unioqqutitsisoq isumaqatigiisummik siunissami eqqortitsisussatut tatigineqarsinnaanngitsoq.
"Kalaallit Nunaat":	Kalaallit Nunaat tamatumalu eqqaani qeqertat kiisalu imartat, soorlu imartaq oqartussaaffigisaq, nunaviup avammut atanera kiisalu aningaasarsiornikkut oqartussaaffigisaq.
"Kalaallit Nunaanni oqartussat":	Naalakkersuisut aamma Kommune Kujalleq.
"Suliffeqarfiit Kalaallit Nunaanneersut":	Suliffeqarfiit piomasagaatinik tulluuttunik qaffakkiartortunik tamanik naammassinnittut: <ul style="list-style-type: none"> (1) Suliffeqarfiit Kalaallit Nunaanni suliaqartuut angerlarsimaffeqartutullu nalunaarsorsimassapput Kalaallit Nunaanni aamma/imaluunniit Danmarkimi suliffeqarfinnut taamaattunut Kalaallit Nunaanni angerlarsimaffeqartunut inatsisit qaqugukkulluunniit atuuttut naapertorlugit. (2) Suliffeqarfiit Kalaallit Nunaanni ilumoortumik qullersaqarfeqassaaq aqutsiviusumik. (3) Suliffeqarfiup aqutsisoqarfiini tamani aqutsisut affaat imaluunniit amerlanerusut, tassunga ilaallutik siulersuisut, aqutsisut aamma/imaluunniit aqutsisoqarfiit allat

danskisut innuttaassuseqassapput aalajangersimasumik Kalaallit Nunaanni Danmarkimiluunniit najugaqarlutik.

- (4) Suliffeqarfiup piumasaqaatit marluusut arlaat ataaseq imaluunniit tamaasa naammassisimassavai.
- (i) Suliffeqarfik toqqaanartumik toqqaannangitsumil-luunniit (suliffeqarfik ataaseq arlallilluunniit aqqu-tigalugit, oqartussat imaluunniit namminersortut pisortalluunniit ingerlatsivii allat aqqu-tigalugit) "aalajangiisuulluni sunniuteqartup" ataaniissin-naangilaq, tassa inummik inunnilluunniit qassiinit, suliffeqarfinit, oqartussaarfinit imaluunniit nammi-nersortut pisortalluunniit ingerlatsiviannit oqar-tussaaffigineqarsinnaangilaq aatsaalli taakku tas-saappata inuit Kalaallit Nunaanneersut, suliffeqarfiit Kalaallit Nunaanneersut imaluunniit Naalak-kersuisuneersut (apeqqutaatinnagu inuit, sulif-feqarfiit, oqartussaqaarfiit imaluunniit namminer-sortut pisortalluunniit ingerlatsivii isumaqatigiillutik, ataatsimoorlutik, imminnut naapertorlugit ata-qatigiillutilluunniit iliornersut. "Aalajangiisulluni sun-niuteqartoq" Kalaallit Nunaanni Danmarkimilu in-gerlatseqatigiiffinnut inatsisini qaqugukkulluunniit atuuttuni paasineqartarnerasut paasineqassaaq.
- (ii) Suliffeqarfik piviusumi, qanittumik ukiunilu amer-lasuuni Kalaallit Nunaannut inuiaqatigiinnullu ka-laallinut atassuteqarsimassaaq siusinnerusukkut imaluunniit massakkut Kalaallit Nunaanni anin-gaasarsiornermik suliaqarnini aqqu-tigalugu, tas-saasimassalluni suliffeqarfik Kalaallit Nunaanni sullissaminut nioqqutissamik aamma/imaluunniit sullissinernik tunisaqartarsimasoq, taamalu sulis-unik Kalaallit Nunaaneersunik sulisisarsimal-lunilu atuisoq, kiisalu tassunga atatillugu Kalaallit Nunaanni allaffeqartoq, suliner-mik inger-latsiveqartoq, tunisassiorfeqartoq kiisalu nioq-quteqarfeqartoq. Suliffeqarfik tamakkuninnga naammassinnissimanersoq naammassinninngin-nersorluunniit pillugu Naalakkersuisut aalajan-giisinnaapput.

"Naalakkersuisut":

Kalaallit Nunaanni naalakkersuisut, namminersorlutik oqartussani ingerlatsinermut oqartussat

"inuk Kalaallit Nunaanneersoq":	<p>tassaavoq inuk makku arlaannik qassiinilluunniit naammassinittog:</p> <ol style="list-style-type: none"> (1) Inuk Kalaallit Nunaanni inunngorsimasoq inuunerminilu ukiuni tallimani siullerni Kalaallit Nunaanni najugaqarsimasoq. (2) Inuk ukiuni kingullerni 10-ini ukiuni 7-ini Kalaallit Nunaanni aalajangersimasumik najugaqarsimasoq. (3) Inuk siuliani (1)-imik imaluunniit (2)-imik naammassinissimasumut katisimasoq imaluunniit minnerpaamik ukiumi ataatsimi nalunaarsugaasumik aappaqarsimasoq, imaluunniit Kalaallit Nunaanni inatsisit naapertorlugit pisortani namminersortuniluunniit (oqartussani suliffeqarfimmiluunniit) atorfeqarsimasoq. <p>Siuliani (2)-imi aalajangersimasumik najugaqarnissamik pi- umasaqaammut ilaavortaaq ilinniagaqarniarluni Kaaaallit Nunaata avataani najugaqarsimaneq, tassa inuup taassuma ilinniagaqarni aallartimmat Kalaallit Nunaanni ilinniagaqarnersiuteqarnissamik taarsigassarsinissamillu aaqqissuussinerit naapertorlugit pisortanit ilinniagaqarnersiuteqarnissamut pi- umasaqaatit naammassisimappagit.</p>
"Kalaallit Nunaanni atugassarititaasut":	(suliariumannitussarsiuussinerit kiisalu sanaartornissamik isumaqatigiissuteqartarnermut tunngatillugu) Kalaallit Nunaanni atugassarititaasut nalinginnaasut assingusulluunniit, soorlu taakkuninnga, imaluunniit assingusunik Kalaallit Nunaanni niuernermi atugassarititaasut.
" Sulisoq Kalaallit Nunaanneersoq":	Sulisoq, aamma inummik Kalaallit Nunaanneersumik paasinnittaasoq naapertorlugu Kalaallit Nunaanneersuusoq.
"IBA":	Impact Benefit Agreement, (Sunniutit Iluaqutissallu pillugit Isumaqatigiissut) Akuersissummik pigisaqartup, Naalakkersuisut kommunillu akornanni isumaqatigiinniutigineqarlunilu, isumaqatigiissutigineqarlunilu atsiorneqarsimasoq.
"Akuersissut":	Kujataani Kiillavaat Alannguanni aatsitassat ilaannik kisermaassilluni paaanissamut akuersissut nr. 2020/54
"Akuersissuteqarfik":	akuersissut naapertorlugu sumiiffik akuersissuteqarfiusoq.

"Piffissaq akuersissuteqarfik":	akuersissut naapertorlugu piffissaq akuersissuteqarfiusoq.
"Akuersissummik pigisaqartoq":	akuersissut naapertorlugu akuersissummik pigisaqartoq.
" Suliffeqarfiit akuersissummik pigisaqartut":	Suliffeqarfiit akuersissummik piginneqataasut. Paasinnittaaseq taanna taamaallaat atussaaq suliffeqarfiit arlallit akuersissummik piginneqataappata.
"Suliffeqarfik akuersissummik pigisaqartoq":	suliffeqarfik akuersissummik piginnittoq, tassa suliffeqarfik ataasiinnaq akuersissummik tamakkiisumik piginnittuuppata. "Suliffeqarfik akuersissummik pigisaqartoq"; suliffeqarfiit qassiit akuersissummik piginnittuuppata taakku ilaat ataaseq.
"Aatsitassanut inatsit":	Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersaq, aatsitassat, aatsitassarsiorneq aatsitassarsiornermullu akuersissutit pillugit kingorna inatsisiliarineqartartutigit allanngortinneqartoq taarserneqarsimasorluunniit.
"Kommune":	Kommune Kujalleq.
"Suleqataasoq":	(sumut atornera apeqqutaalluni, akuersissummik pigisaqartoq, kommune, naalakkersuisut imaluunniit taakku arlaat ataaseq.
"Pilersaarutit":	(sumut atornera apeqqutaalluni) Iluaqutissanik Sunniutissanillu Pilersaarut pineqartoq, nalunaaruteqartarnermut nalilersuisarnermullu pilersaarut imaluunniit pilersaarutit marluk taakku tamarmik.
" Inuiaqatigiinnut sunniutissanik nalunaarsiornermut ilitsersuut":	Kalaallit Nunaanni aatsitassarsiornerup nuiaqatigiinnut sunniutissanik naliliinermut Naalakkersuisut ilitsersuutaat (suliarinera nutaanerpaaq), akuersissummik pigisaqartup akuersissut naapertorlugu suliaanut atuuttoq.
" Inuiaqatigiinnut sunniutissanik naliliineq"	Akuersissut naapertorlugu suliat inuiaqatigiinnut sunniutissanik naliliinermik nalunaarusiaq 13. august 2020-imeersaq Naalakkersuisut akuerisaat.

Nassuiarnera

IBA ilanngussallu tassunga atasuni "tassunga ilanngullugit" ima paasisariaqarput: tasunnga ilanngullugit killiliis-sutiginagilli imaluunniit siuliani nassuiarneqartut, qanoq paasineqarnissaanik aalajangiinerit, oqariartaatsilluunniit naapertorlugit qanoq paasisariaqarnera eqqumaffigalugu. "Tassunga ilanngullugit" kiisalu tassunga assingusut taama paasineqassapput.

IBA-mi tassungalu ilanngussani atasuni ataasersiutinngorlugit innersuussutit aamma qasseersiutaapput, aamma qasseersiutinngorlugit innersuussutaasut tamarmik ataasersiutaasinnaapput, tassa allatigut allassimangippat imaluunniit pissutsit apeqqutaallutik tamanna pisariaqarpat.

IBA-mi tassungalu ilanngussani atasuni "najukkami" pineqaraangat annermik kommune taassumalu eqqaani sumiiffik pineqartarput, kiisalu inuit, suliffeqarfiit allallu kommunimi ittut, soorlu inuit sulisullu kommunimi aalajangersimasumik najugaqartut, kiisalu suliffeqarfiit kommunimi angerlarsimaffeqartut kiisalu kommunimi piviusumik qullersaqarfeqartut taakkununnga aqutsisoqarfiusumik. IBA-mi ilanngussanilu tassunga atasuni "najukkami" innersuussutigineqaraangat aamma pineqartarput Kalaallit Nunaat kiisalu inuit, suliffeqarfiit allallu Kalaallit Nunaanni ittut, soorlu inuit sulisullu Kalaallit Nunaanni aalajangersimasumik najugaqartut, kiisalu suliffeqarfiit Kalaallit Nunaanni angerlarsimaffeqartut kiisalu Kalaallit Nunaanni piviusumik qullersaqarfeqartut pisariaqarnera naapertorlugu aqutsisoqarfiusumik. Taamaappoq allamik allassimasoqangippat imaluunniit pissutsit naapertorlugu allatut pisariaqangippat. "Najukkami" tassungalu assingusut aamma taama paasineqassapput.

Ilanngussat

Ilanngussat tamarmik IBA-mi matumani ittut IBA-mut pingaarutilimmik ilaapput IBA-mulu ilaavissutut isigineqas-sallutik.